

११०

दर्ता नं.: ४८/२०७६/७७

पुखां दयक तकागु सम्पति, भूमिगु कला व संस्कृति
पिकाक-भत्तपुर नगरपालिका



नेपाल संवत् ११४३ बछला गा / २०८० जेठ १५ / 2023 May / त्या: द४, दौँ५



ख्वप नगरपालिकाया जनप्रतिनिधिपिक्खं
ज्याक्षांगु ढाढ्छी फुत

चामुङ्दा विन्द्रासैनीया नगर प्रमुख शाही ख्वप नगरपालिकाय्
(२०८० जेठ ३ गते)



**थी थी स्थानीय तह्या उप-प्रमुख र उपाध्यक्षापुं
ख्वप नगरपालिकाय् (२०८० जेठ ८ गते)**



देसी सः कारखाना चायकेता बजेट छखय लिइके मः

नेपःया सरकार जेठ १५ गते आ.व. २०८०/८१ या बजेट पिब्बय तांगु दः। बजेट नीति व ज्या इवः या लिधंसाय् पिब्बइगु खः। थुगुसिया नीति व ज्या इवःनं परम्परागत व न्हपायाय्थे जक खः न्हँगु आशायाय् लाइकगु थाय् छुं हे मरु।

कृषि प्रधान धःगु देशय् थःगु हे थासय् देसी सः कारखाना चायकेमाला धायो नेपः मिपिसं मदिक्क धायो वयो च्वंगु खः। अलय् सरकारं उकिता बेवास्ताजक यागु मखु जानाजान सिइकं सिइकं हे विदेशं दांगु, ज्या मवगु कमसल सः न्यडः हयो देयाता कृषिया लागाय् नं कतःया भरय् म्वाय मालिगु ज्या यागु हे खः।

थुगुसी नं किसानतय्सं इलय् हे सः काय् दैगु लक्षण हे मरु। छगु सिजन (ई) या लागि १ लाख ५० हजार मे. टन मालिगुलि असार तकखय् मुकं १८ हजार तनजक वियफैगु धायो च्वंगु दः। सः हय्गु जिम्मेवारी कायो तःपुं साल्ट ट्रेनिड लि. व कृषि सामग्री संस्थानं सरकारं मः काथंया बजेट इलय् हे मब्बूगुलिं वापियगु इलय्तकखय् सः हय मफैगु धाय् धुंकल।

कृषिप्रधान देशय् किसानतय्ता मःगु सः इलय् हे हय मफः, नाः छुयगु बन्दोबस्त मरु, बुइँ सयकगु अन्न, तरकारीया बजार मरु। थजगु इलय् किसानतय्सं गथे बुँज्या याय्गु मति तै ? भारतं न्हिं लाखौं तकाया तरकारी न्याडः भीगु देशय् है। अलय् नेपःया किसानतय्गु तरकारी बुइँसं मचुडः धवगिड च्वंगु भीसं स्वय माल च्वंगु दः। थुकिया फुक्क जिम्मेवारी किसानतय्ता भिं याय्गु जक नारा बियो किसानतय्ता हे स्याइपुं शासक दलत हे खः।


नेपाल मजदुर किसान पार्टी यक्क यक्क हाँ निसें हे भीगु देशय् हे सः कारखाना चायके मःगु खाँ धा धाँ वयो च्वंगु खः। भीगु देशय् हे देसी सः कारखाना चायकगु जूसा किसानतय्सं इलय् हे भिंगु सः काय् फैगु खः। गुकीं बुं अपलं अन्न सयकिगु खः अलय् अपः दःगु सः बिदेशय् मियो विदेशी धेबा (मुद्रा) नं कमे याय् दैगु खः। थुकीं नेपःया व्यापारघाटा म्हवँ याय्ता घवासा जुई।

नेपाल क्रान्तिकारी किसान संघं थःगु देशय् हे देसी सः कारखाना चायके मःगु माग तयो २०८० जेठ १२ गते यैं विरोध प्रदर्शन याता। प्रदर्शन लिपाया जनसभासं नेपाल मजदुर किसान पार्टीया छ्याङ्जे भाजु प्रेम सुवालं किसानतय्सं वा पियता सः काय् मखासेलि शासक दलत सत्ताया भागवण्डाखय् लिइमलाक जूला दक कुंखिडः दिल। छ्याङ्जे भाजु सुवालं किसान समस्या मस्वैम्हा सरकार सिंहदरवारय् च्वनय्गु अधिकार मरु उकिं राजिनामा याय्मः धायोदिल।

खः नं खः जनता सडकय् दडः मवतलय् छुं नं विषय मन्यनिगु परम्परा हे जुय धुंकल। जनता सडकय् दाँ मवगु इलय् हे आ.व. २०८०/८१ या बजेटय् देसी सः या कारखाना चायकेता मः काथंया बजेटया व्यवस्था याःसा सरकारय् च्वडः च्वंपुं पार्टीत व देशता हे भिं जुई।

पिकाक-खप नगरपालिका/सम्पादक-आशाकुमार चिकंबज्जार, डेस्कटप-धन लक्ष्मी त्यात, आवरण सज्जा-रेणु धज्जू, थाकू- भक्तपुर अफसेट प्रिन्टर्स फोन न्या: ०१-६६१३०४३, इ-मेल- khwopapau@gmail.com

સચિષ્ઠ લિપાયા ખ્વપ દે



- નારાયણમાન બિજુવળે (રોહિત)

ડણી તથો ઢાલાન યાડઃ દાડતય ધુંકલ અલય પિનયું મનૂન ફિયો તઃગુ નં થેં જક નેપાલી અપા વ પોલહું અપા તિકઃ તઃગુ જુલ। નગરપાલિકાયા ભવનયા માપદણ ત્યલ: ડાતા / ખુતા જઃગુ છેં દાનય ધુંકલ। અલય પોલહુંતય ચવય વ ક:સી-ક:સી હાકુગુ ના: થાલા વા ટ્યાડ્કીત દ:। ટિભીયા એન્ટેના વ સૌર્ય ઉર્જા ના: કવાકિગુ સોલાર મેસિન થજગુ સાધનં ખ્વપ દેયા છેંયા ચવયયા તલાયા વાસ્તુકલાયા રૂપ હે સ્યંક: કુરૂપ યાડઃ બિલ। ડાતાપોલહું વ ભૈલદ્યોયા દેગ: યાજક ચવયચવયયા પોલહુંત ખાનય દતા। નેપાલી પહ:વ પોલહું, અપા પોલહું વ ક: સી મખુ નૌ રડ્ગયા, સિઝગુ વ તસ્કં તઃતઃજઃગુ, ચિચ્યા જઃગુ, ઢડ્ગ મિલય મજુગુ સિમન્ટીયા ક: સિત વ પોલહુંત જક ખાનય દ:। નહ્યાથાય સ્વસાં થી થી રંગયા તારત જક ખાનય દ:। માકચા જઃબેં વિદ્યુતયા તારત, ટેલિફોનયા તારત, ટિભિયા એન્ટિનાયા તારત જક પ્વાય પ્વાય ખાનય દ:।

ચા બાવુ વાન। ઈ લચં હિ ન્યતા થાત। રાષ્ટ્રીય (ટેબુલ ટેનિસ) ખ્યાં બલયા કાસામિ રામુ નં થઃગુ ન્યિપૌ (ડાયરી) ચવ ચવં યંકલ।
થૌં ૨૩ ડિસેમ્બર ૨૦૧૯

જિ સુથાય ૭:૦૦ તા ઇલય ક: સિ વાડા, લકસ ખ્વાઉંસે ચવં અલય ખસું ભૂડઃ ચવંગુલિં ફુકકથાય યચુક ખાનય મરુ, બુલુસે ચવં। ટેલિફોનયા ઘણટી ડઃગુ સ: તાયદત, અલય જિ કવથાય વયા। ક્યૂબાયા હવાના વિશ્વ વિદ્યાલયયા છમ્હા પાસાં માર્ચ વ અપ્રિલ મહિનાયા દથ્વી લાક નેપ: વયદક (સૂચં) ચવયકલ। પૂર્વી એશિયાયા સંસ્કૃતિયા વિષયસં વિદ્યાવારિધિ યાઇમ્હા માર્ટિ ધાય્મહા ઉમ્હા પાસાં ટેલિફોનં નેપ: વ ખ્વપયા કલા વ સંસ્કૃતિયા અધ્યયનં તસ્કં બાંલાગુ લિચ્વ: લાગુ નપાં થઃગુ વિદ્યાવારિધિયા શોધપત્ર નં ખ્વપયા વિષય જુઝગુ ખ્યાં ધાલ।

જિં દરાજ ચાયકા, જિગુ લાહા કાચાકક તઃફિગુ સાફ્ખ્યં વાન। સાફ્ખ્યા નાં (છ્યાં) ખ: 'ખ્વપ દે સન ૧૯૧૯।'

પાનાયા આખ: ધ્વલય જિગુ મિખા સલલ બ્વલ। ચવયોતઃગુ જુયો ચવના - યોમરી પુન્હી, ૨૨ ડિસેમ્બર ૧૯૧૯। ખ્વપ દે યા થયં મથયં પ્યબ્વય છબ્વ છેંત સિમન્ટી વ ઢાલાન યાડ દાનય ધુંકલ। તઃ માહી વ લાયકુયા દથ્વી ગુલિં છેંત નં સિમન્ટી,

સુકુલઢોકાયા બજારય હે દાં દાં હાઁ નિસેં છેં દુડ ચવંગુ દ:। થી થી દે યા રાજકીય પાહાંતયસં 'થવ છેં ત છાય મદાંગુ, સ્વય હે ગુલિ બાંમલાગુ લહા ?' દક સાંસ્કૃતિક મન્ત્રી પુરાતત્વ વિભાગયા નિર્દેશક વ નગરપ્રમુખ પિન્કે ન્યતા। અલય-જિમિસં ખ્યાં મિલય યાડઃ ચવડાગુ દ: ધા ધાં દાં તરે યાડઃ છવત, જિમ્મેવાર મનૂતયસં। ગ: હિંતિયા છખા તસ્કં બાંલાગુ છેં નં દુડ: ચવંગુ જુલ, ઉકિતા જોગય યાય્ગુપલિ દાચ્છી- દાત્યા હાઁ પુલિસં ના: યા ફોહરાં મ્હક: થુડઃ બિલા। લકસ સ્વયહે મ્હાય્પુક વિભત્સ ખાનય દ:।

ક્યામેરા કિલક કિલક યાયાં વિદેશી પર્યટકપું સુકુલઢોકાયા મથયા સિંયા બુદ્ધા કાલ્ષકલાયા કિપા કાકાં ગોમારી પાખ્ય વાન। છ્યાં કાપ પસ: વ લકાં પસ: (રુદ્પ્રસાદ કાયષ્ટ વ માધવ શંકર જોશી) યા છેં ક્વય થયનયવં દિડ: થવં થવય ખ્યાં લહાત- 'થવ ગપાસિતં રૂપ મિલય મજૂગુ છેં ખલા। થાના છુ નગરપાલિકાં નહ્યાથિન્યોગુ જુસાં છેં દાંકય બ્યૂલા થેં ?

ઉગુ ઇલય ડિજેલયા કું ત્યા પિકાયો ટ્યાક્ટર બ્વાક્ય હલ, મોટરસાઇકલ, કાર, મિનિટ્રક, જિપ થજગુ યાતાયાતયા સાધનત હર્ત ડાયક: ઇસુથિર જુઝગુ। પર્યટકપું ગુમ્હાસિં નહાયપ્વ

सचिंश्व हिंगूगु ख्वप पौ. बःछि पौ(पाद्धिक)

तिई, गुम्हां फस्वर्ड ।

खःख्यूक वांपु पर्यटक पिसं राम भोपडीया उत्तर पाख्यया
गालय् गःहिति पाख्य् क्व स्वत । छम्हा पर्यटकं न्हाय॑ स्यंकः न्यन
-'गजगु फोहरगु पुखु ?'

इनाचो व इत्तात्रया दथ्वी व पर्यटकपिसं नेख्य् सिथ्यया
छॅत स्व स्वं वान । न्हयपतय् थ्यंकः म्हुतु छ्वयो खास खुस खाँ
ल्हालहां वान-छाँ छै हे बाखा पुलांगु तस्कं बांलागु अलय् बाखा
कुरूप अलय् न्हूंगु गथे ज्वी ल्हा ?' थाना विदेशीत वयो नेवः कला
व संस्कृति स्यंकेजक तानाला ? सायद थ्व देशय् साँस्कृतिक
मन्त्रालय व नगरपालिका मरु ला ?


जिता तस्कं ग्या चिकू पहलं भुन, गजगु विवरण ठिक
सचिछदा हाँ । जिगु नगर हकनं स्वयमस्ती वल । साफूतिङा,
हकनं कःसिं तु वाडा ।

लिभः त्वय धुंकल । अँहैं तःजःगु- चिच्या जःगु पोल्हैं व
कःसित मरु । फुक्क ह्योसे -ह्योसे च्वंगु पोल्हैं अपां चिडःतःगु
तस्कं बांलागु पोल्हैं जक खानय् दः, हाकुहाकुगु स्वय हे घच्यापुगु
ट्याङ्कीत विद्युत, टेलिफोन व एन्टेना व उकिया माकचाय्गु जः
थन्योगु तार नं मरु । डातापोल्हैंया डातां तु व भैल देगः या स्वतां
तुं पोल्हैं खानय् दः । ओहो जि तस्कं लय्ताया । जिगु मन स्वं
ह्वः थैं ह्वल - जिगु पोल्हैं, कः सि व देगः त न्हपायाय्थैं हे बांला
गौरवमय व तस्कं बांला, सुन्दर ।

साफूया घच्यापुगु ब्रयानं जि गः हिति स्वः वाडा । आना
नं पुलांगु छॅत न्हपायाय्थैं हे दाड तः गु दः । सुकुलढोकाय् छाँ
हे छैं दुडः च्वंगु मरु । मठ्या इवलां पुलांगु पहः शैलीया छेत दः।
गोमारीया नेखा छैं, पसः न नेवः पहःया जबं खवया छैं या इयो
थैं तयो दानय धुंकल । इनाचो व तचपालय्या दथ्वीनं पुलांगु हे
पहः ल्याहौं वय धुंकल । गोमारीया तः जःगु गालयया ल्वहैं हिति
तुंथि, व ब्वडचानं विदेशीतय्सं मन लुदांकः स्वयो च्वना ।
नेम्हाप्यम्हा ख्वप देया कला संस्थानय् ब्वडः च्वंपु विदेशी मिसा
मस्त व मिजंमस्त ब्वनामिपुं किपा च्वयो च्वना ।

छम्हा जापानी ल्यासेम्हा मिसा मचां मेम्हा जर्मन मिजं
चाय्के न्यडः च्वना, व नं नेवः भाषं - छि रवदा हाँ निसें नेपालय्
च्वडः च्वडा थैं ? जर्मनया मिजं मचां न नेवः भाषं हे लिसः बिल
- जिथानाया भाषा विश्वविद्यालय ब्वडः च्वडागु दः । प्यदा
दत । दाच्छिया नेला जिगु छैं वानय्गु ।

जापानी मिसामचां जर्मन मिजं मचाया लिसःलय् ताँ
तां धाल - 'जियां प्यदा हाँ निसें नेपाली वास्तुकला ख्य थाना
इञ्जिनियरिड ब्वडः च्वडा । जिगु विशेष ध्यान थानाया देगः



या वास्तुकला सय्केगुलि खः । जिमिमेपुं पासापुं चुकः द.गु
नेवः पह्या छैं, साँझ्यो (साय॑ झ्यो) थी थी या व्यवहारिक तालिम
कायो च्वंगु दः । अथेयां जिमि नेम्हा व्यम्हा पासापुं मेमेगु
ल्याटिन अमेरिकी ब्वनामिपुंतपां थानाया भाय व संस्कृति नं
सय्कः च्वंगु दः ।

विदेशी मिसा मस्त व मिजं मस्तय्गु व नेवः भाषं खँल्हा
बल्हा याडः च्वंगुलिं जिगु मन लय-लयताल । खःनि ख्वप देया गां
गामय् अः भाय्, इञ्जिनियरिड, संस्कृति, पुरातत्व थी थी विषयया
महाविद्यालय व विश्वविद्यालयत पलिस्था यागु दः । सचिछदा हाँ
थैं ख्वप देशय् अपाभट्टा छगः हे खानय मरु । व कुं प्याहौं वैगु
थासय् थौं कहे च्वय च्वय थ्यंकः व्वंकिगु विश्वविद्यालयत दः ।
थानाया चिकित्सक अध्ययन संस्थानय् पश्चिमि चिकित्सा शास्त्र
(एलोपेथी) जक मखु, आयुर्वेद, हौमियोप्याथी, प्राकृतिक, मुलुखं
तियोयाङ्गु अकुपंचर, चुम्बकीय व थीथी काथंया उपचार विधियाय्नं
ब्वंकय्गु ज्या याईं । थिमि, नगदेश व बोडे नं नेवः प्याख्यान
संस्थानय् थी थी महादेशय् ब्वनामिपुं ब्वडः च्वंगु जुल । नगरया
लाँ (सडक) व गल्ली गल्ली अः छगः हे ट्रयाक्टर, ट्रक, कार,
जीप, मोटर साइकल थजगु कुंपिकाङ्गु छुं हे साधनत इरुथिरु
याङ्गुमखु ।

चान्हयसिया बाचा ई (१२:०० ताई) जुल ।

अः । जिनं देनयैँ ।

सचिवत हिंगू खप पौ. बःछि पौ(पाक्षिक)

खप नगरपालिकाय् जनप्रतिनिधिपुं वांगु दाच्छी फुत

खप नगर प्रमुख सुनिल प्रजापति

संघीयता छ्यलानि जूगु स्थानीय तहया नेकगू निर्वाचन जिपुं त्याकः वयागु न थौं दाच्छी फुत । जिमिसं २०७९ जठे ६ गते थुखुनुया दिनय् शपथ कायागु खः । निर्वाचन घोषणापत्र पाखं जनताता वियागु छ्गू छ्गू बचं पूवांकयूता जिपुं मदिक्क ज्या याडः च्वडा । जिमिता थव थासय् थ्यंकः जनताया सेवा याय्गु मौका व्यूपुं सकल खपया जनताता दुनुगालं निसें सुभाय प्वंकः च्वडा । नपां जिमिसं याडागु ज्याखय मचः मगागु थासय् रचनात्मक आलोचना याडः द्यूपुं सकल पासापित्ता नं सुभाय देछायो च्वडा ।

खप देता ज्ञान विज्ञानया थाय् दय्केगु, पर्यटकीय गन्तव्य स्थल दय्केगु व सांस्कृतिक नगरदय्केगु तातुडः भी अग्रजपिसं छिगु पला नपां भीसंनं पलाछिडः च्वडा । नेपालय् संघीयता छ्यलय् धुंकः संविधान व कानुनं व्यूगु अधिकार छ्यलः मकाथंया ऐन, नियम, विनियम व कार्यविधि दयकः जनताता भिं याय्गु ज्या सांसां वयो च्वडा ।

जनताया छ्हैहनय्या सरकार धायोच्चंगु स्थानीय तहं याय्फःगु अपःसे अपः सेवात ब्यू ब्यूं वयागु दः । शिक्षा, स्वास्थ्य, सम्पदा त्यंकःम्वाकः तय्गु, सुन्चुकुचु, त्वनयगु नाः थजगु जनताया आधारभूत आवश्यकताता हदाय् तयो ज्या साडः वयागु दः ।

संघीयता छ्यलय्गु इवलय् संघ व प्रदेशतहपाखं याडः वयो च्चंगु स्वायत्तता याडः च्चंगु क्वत्यलाया मदिक्क कुखिड आलोचनात्मक मिखालं स्वायत्तता व आत्मनिर्भरताता बः बियो वयो च्वडा ।

नेपः या सरकार अर्थमन्त्रालयं नकतिनिजक पौ छ्वयो हयो चालु आ.व. या अन्तिम चौमासिक्य् स्थानीय तहया लागि छ्वयो हैगु पूँजीगत खर्चय् छख्यलिइकगु बजेटया बच्छी जक छ्वयो हयफैगु खाँ तयो हला । अः देशादेशिया स्थानीय तहं न्ह्याकच्चंगु योजनात दिक्य् मालिगु व न्हूँगु योजनात तय् फै मखुत । आन्तरिक आय कमजोरगु स्थानीय तहं न्ह्याक च्चंगु योजनात अख्यला थख्यला मदैगु पक्का जुल ।

जनताया दुःख-सुख स्थानीय तहं थुझगुलिं संघ व प्रदेश छ्वयो हैगु बजेटय् सर्शत बजेट म्हवँ यायां समानीकरण शीर्षक बजेट अपः छ्वयो हय मःगु खः । अलय् उकिया अख सर्शत बजेट अपः त तं स्थानीय तहता संघ व प्रदेशया लाहापा द्वलायँ तय्गु कुतः जुयो च्वना । संघीयताया मर्म व भावना काथं नगरपालिका मदिक्क जनताया सेवासं हज्याडः समाजवाद उन्मुख ज्या न्ह्याकः च्चंगु दः ।



स्थानीय तहया कर्मचारीया लागि संघ व प्रदेशयाय् लाहाफ्य् मालिगु संबैधानिक कानूनी व्यवस्था हे स्थानीय तहया पंगः खः । मः काथंया करारं कर्मचारी भर्ना, स्थायी वा बढुवा याय्गु अधिकार मर्हु स्थानीय तहता सरकार धाय्गुया अर्थ मरु । प्रदेश कर्मचारी कानुनय् दःगु स्थानीय तहया कर्मचारीपुं नेदानेदा ख्यू सर्वा याइगु प्रावधानं भन अन्यैल यात । प्रदेश सरकारया निर्देशन काथं सर्वा जुझुपुं कर्मचारी पिनिगु उपदान वा निवृतिभरणया व्यवस्था सुन याइगु धाय्गु ऐनय् स्पष्ट व्यवस्था मरु ।

थी थी पंगः दयानं निर्वाचनया इलय जनताता घोषणापत्र काथं बियागु बचं व आ.व. २०७९/८० या नीति व ज्याइवः या लिधंसाय जिमिसं ज्या साडः च्वडा । जिमिगु ज्या पुइकः तयागु साफू थैं खः । इलय व्यलय थी थी ज्या इवः काथं खप नगरपालिकां यागु ज्यात जनताया दथ्वी तयो वयागु दः ।

खप नगरपालिकां यागु ज्यात अध्ययन याय्ता देया थी थी स्थानीय तहया प्रमुख, उप-प्रमुख व जनप्रतिनिधिपुं खपय वयो स्वः भायो च्चंगु दः । थानाया जनतां यागु मिहिनेत, परिश्रम व योगदानता जिल्ला जिल्लाया जनतां दुर्यंकः स्वयो च्चंगु दः ।
आय पाख्य्

आ.व. २०७९/८० सं आन्तरिक पाख्य् ४६ करोड द१ लाख व वाहय स्रोत पाखं १ अर्ब ६४ करोड ७७ लाख व २६८ व ल्यं दःगु मौज्दात ६ करोड ८४ लाख १६८ याडः मुक्कं २ अर्ब १८ करोड ४२ लाख ४२ द्व स्रोत अनुमान यागुलि २०८० वैशाख मसान्त तक ख्यू आन्तरिक पाख्य् रु. ३४ करोड २९ लाख ३५ द्व, गुगु मतितःगुया ७३.२६ प्रतिशत वगु दःसा बाह्यस्रोत पाख्य् ८७ करोड १४ लाख प्राप्त जुयो मतितःगुया ५२.८८ प्रतिशत आम्दानी जुय धुंकगु दः । थथे अन्तरिक व बाह्य याडः मुक्कं २ अर्ब १८ करोड

सचिवत हिंगू खप पौ. बःछि पौ(पाद्धिक)

४२ लाख ४२८ मतितः गुलि २०८० वैशाख मसान्त तकखय् मुक्क
१ अर्ब २१ करोड ४३ लाख ४५ हजार मुडः मति तःगुया ५७.४
प्रतिशत आमदानी जुय धुंकल ।

ब्यय पाखयः

२०७९ वैशाख मसान्त तकखय् चालुपाखय रु ६१ करोड
४४ लाख ५७ द्व तका खर्च जुयो छख्यलिङ्कगु धेबाया ४३.०१
प्रतिशत व पूँजीगतपाखय् १९ करोड १० लाख ४४ द्व खर्च जुयो
छख्यलिङ्कगु धेबा २७.२९ प्रतिशत खर्च जुगु दः । वित्तीय
व्यवस्थापन पाखय् १ करोड खर्चयाडः मतितःगुया १७.८५ प्रतिशत
याडः मुक्क ८१ करोड ५५ लाख खर्च जुगु दः । गुगु मतितःगुया
३७.३३ प्रतिशत जु वई ।

कर असुली

चालु आ.व. २०७७/८० या हिलाया दुनय मुक्क आन्तरिक
आय (२०७९ साउन १ निसें २०८० वैशाख मसान्ततक) रु. ३४
करोड २९ लाख मुनय्फत । थव चालु आ.व. या तातुनाया ७३
प्रतिशत खः । आ.व. २०७८/२०७९ या थुगु इलय् १५ करोड ७५
लाख तका जक मुनयफ गु खः । वांगुदाँया वहे इलय मुक्क आन्तरिक
आयसं १८ करोड ५४ लाखं अप मुनय फत । थव वांगु दायँ स्वयो
११८ प्रतिशतं अपः खः । कोरोना महामारीलिपा छसिकाथं पर्यटकपुं
द्वहैं वैगु अपः दयो वल । पर्यटक शुल्कखय् थुगु इलय् १२ करोड ६२
लाखं अपः मुनय फतसा मेमेगु आन्तरिक स्रोतय नपां ५ करोड ९२
लाख अपः मुनय फत ।

वागमती प्रदेश सरकार पाखं वित्तीय समानीकरण अनुदान,
सशर्त अनुदान, समपुरक अनुदान व विशेष अनुदान पाखं मुक्कं २
करोड ६४ लाख तका व्यगु जुल । अथेहे वाह्य स्रोत पाखय् राजश्व
बाँडफाँड (मालपोत) १ करोड ९९ लाख, राजश्व बाँडफाँड (संघ)
४ करोड ३९ लाख, सवारी कर (प्रदेश) २ करोड १ लाख याडः
मुक्कं नेपःया सरकारपाखं ७ करोड अनुदान वल । राजश्व
सद्कलनता प्रविधिमैत्री याय्गु इवलय् थुगुसी निसें ई-सेवा प्रा. लि.,
नेपाल किलयरिड हाउस व खल्ती एप्स याडः स्वंगु कम्पनी ल्ययो
अन्लाइन राजश्व मुनय्गु व्यवस्था यागु दः ।

पर्यटन

पर्यटन, खप नगरपालिकाया आन्तरिक आयया मू स्रोत
खः । चालु आ.व. सं पर्यटन पाखं मुक्कं ७ करोड आमदानी जुगु
मतितःगुलि वैशाख महिना तकखय् १५ करोड ८६ लाख आमदानी
जुय धुंकल । गुगु मति तः गु आमदानीया १३.३४ प्रतिशत खः ।
चालु आ.व. या वहे इलय गैर सार्कपाखय् ८३.५८१ सार्क व चिनियाँ
पाखय् ७३.३३० याडः मुक्कं १.५६.९९१ म्हा पर्यटकतय्सं खप दे
चाहिलय् धुंकल । वांगु आ.व. या साउननिसें वैशाख तकखय्या
हिला' दुनय गैरसार्क पाखं १७.५५१ म्हा व सार्क व चिनियाँपाखं १८,

५२४ म्हा याडः मुक्कं ३६.०७५ म्हा पर्यटकपिसं जक खपय् चाहिल ।
वांगु दायँ स्वयो थुगुसी १.२०.८३६ म्हा (३३४.९६) प्रतिशत अपः वगु
जुल । थुगुसी विदेशी मुद्राया विनियम दरय् वगु हिलापहः स्वयो गैर
सार्क पर्यटकपिन्के कायो वगु प्रवेश शुल्क १५ डलर याडः २०७९ पुस
१७ गते निसें छम्हा गैर सार्क पर्यटक रु. १८००/- प्रवेश शुल्क
काया । पर्यटन प्रवर्द्धनया लागिं 'योमारी प्रदर्शनी,' घरेलू उत्पादन
मेला २०७९, सांस्कृतिक प्रतियोगिता थजगु थीथी धिंधिंवल्लाया ज्या
इवः तः न याडा ।

शिक्षा

वि.सं २०५६ सालय् खप उच्च मा.वि. निः स्वाडः शिक्षाया
लागाय् छिगु पला खप नगरपालिकां अः 'खप कलेजअफ लः'
चाय्केता तः लागु दः । नगरपालिकापाखं चाय्कः तःगु उगु कलेजय्
अः ७३ गू जिल्लाया न्हयद्वस्वयो अपः ब्वनामिपिसं म्हवचा ध्यबां
भिंगु बांलागु शिक्षा व्यू व्यू वयो चवंगु दः । भीगु कलेजय् ब्वडः
चवंपुं गरिव व जेहेन्दार ब्वनामिपिन्ता दाच्छिया ४ करोड तका
स्वयो अपः या छात्रवृतिया व्यवस्था दः ।

स्थानीय सरकार सञ्चालन ऐन २०७४ छ्यलय् धुंकः
फुक्कं ब्वनय्कुथिया जिम्मा नगरपालिकाता वल । नगर दुनय
सामुदायिक व संस्थागत याडः ९२ गू ब्वनय्कुथित चाय्क तःगु
दः । नगरपालिकां शैक्षिक गुणस्तरय् धिंधिं बल्लाया नीति काकां
डागु, च्यागु, हिगु तगिया नगरस्तरीय परीक्षा कःगु जुल ।
सामुदायिक ब्वनय्कुथिया शिक्षकपिन्ता मः काथंया तालिम,
ब्वनय्कुथिता मः मः गु स्वयो भौतिक सुधारया लागिं आर्थिक
गवाहाली व्यू व्यू वगु दः । खप कलेजय् ब्वडः चवंपुं
राजनीतिशास्त्र विषयया ३६ म्हा व संस्कृति ब्वडः चवंपुं ८ म्हा
याडः ४४ म्हा व थी थी कलेजय् भूगोल इतिहास, राजनीतिशास्त्र,
संस्कृति व तेपालभाषा ब्वनिपुं ब्वनामि पिन्ता नगरपालिकां
छात्रवृतिखय् स्नातक, स्नातकोत्तर व विद्यावारिधि याडः चवंगु
दः । सहिद्या सन्तानपिन्ता छात्रवृति वियगु नीति काथं सहिद
महेश श्रेष्ठया म्हाय्य यमजु रश्मी श्रेष्ठता उच्च शिक्षाखय्
छात्रवृति वियो वगु दः । नेपाली इतिहासय् १ व संस्कृति विषय-
१ याडः नेम्हासिं विद्यावारिधि इतिहास, संस्कृति व पुरातत्व
विषयसं १ व राजनीति शास्त्रय १ याडः नेम्हासिं एम. फिल. व
नेपाल भाषाय् २ व संस्कृति विषयसं १ याडः स्वम्हा नगरपालिकाया
छात्रवृतिखय् स्नातकोत्तर तगिंखय् ब्वडः चवंगु दः । नपां वांगु
वर्षय् स्वीकृत ३१४ म्हा व चालु आर्थिक वर्षय् १५७ म्हा याडः
४७१ म्हा सिता शैक्षिक ऋण स्वीकृत याडः ५ लाख तका ल्याखं
ऋण वियो वगु दः ।

अथेहे नगर दुनयया ब्वनय्कुथिया ब्वडः चवंपुं मां ब्वा मरुपुं
५३ म्हा ब्वनामिपिन्ता शैक्षिक सामग्री इडः व्यू वगु जुल ।

स्वास्थ्य

ख्वप नगरपालिकां जनताया स्वास्थ्यता हदायतयो भिंगु, बालागृ स्वास्थ्य सेवा बियो वयों च्वंगु दः। नगरपालिकां चाय्कंगु ख्वप अस्पताल, श्वासप्रश्वास पुनस्थापना केन्द्र, जनस्वास्थ्य सेवा केन्द्र, सहरी स्वास्थ्य केन्द्र व आधारभूत स्वास्थ्य उपचार केन्द्र पाखं ल्वगिपिन्ता स्वास्थ्यसेवा बियो वगु दः। २०७९ पुस २ गते ख्वप अस्पतालया न्हुगु भवन उलेज्यायासे उकी स्त्रीरोग, बाल रोग, छेंगु, नाक, कान-घाँटी, वौं, मिखा, हाडजोर्नी, छाती, नुगः, नशा, प्रसूति, मानसिक रोग नपांया थी थी ल्वयया विशेषज्ञ सेवा व्यू व्यूं वगु दः। २०७९ माघ ७ गते निसें मेजर अपरेशन व २०८० वैशाख १७ गते निसें मचा बुइकिगु प्रसुति सेवा चाय्कल। वडा वडाय् चाय्कः तःगु छुं छुं नर्सिंड सेवाता अभ च्वजाय्कःयंकय्ता स्वापु दः गु वडाय मदिक्क आधारभूत स्वास्थ्य सेवा वियगु याडः वडा नर्स पिन्ता छ्यल च्वंगु दः। वडा नर्स पिनिपाखं नगर दुनयया ब्वनय् कुथि स्वास्थ्य उपचारया विषय कक्षा न्ह्याकः च्वंगु दः।

मिति २०७९/२/२३ गते बागमती प्रदेश सरकार स्वास्थ्य निर्देशनालय पाखं १००गृ शय्याया अस्पताल चाय्केगु अनुमति काथं ख्वप अस्पताल चाय्कगुलि अः २१ म्हा विशेषज्ञ, चिकित्सक २० म्हा मेडिकल अफिसर ४७ म्हा स्टाफ नर्स नपां १७३ म्हा स्वास्थ्य व कर्मचारीपुं ज्या साडः च्वंगु दः। छुं नं सार्वजनिक बिदा व शनिवारनपां याडः दाच्छिया ३६५ हूँ निं ११ घौ ओण्डी सेवा ख्वप अस्पतालया विशेषता खः।

ख्वप अस्पतालया अक्सिजन प्लान्टपाखं नगरबासी पिन्ता धेबा म्वायकः थुगुसी नं अक्सिजन नपां थीथी ल्वयया उपचार व अपरेशनया लागिं नगरबासीपिन्ता मःगु हिनं धेबा म्वाय्क बियो वगु दः। चालु आ.व.या हिलाया दुनयं गुद्द व च्यास व ड्यूडागः सिलिण्डर अक्सिजन इडः बिय धुंकल। अः तकखय् ३९८ म्हा नगरबासी पिसं धेबा म्वाय्कः हि काय् धुंकलसा उकिया लागिं ख्वप नगरपालिकां ६, ३६, ६०० तका धेबा पुलः बिय धुंकल। अथेहे कडागु ल्वय जुपुं २१९ म्हा सिता १५००० तका ल्याखं ३२, ८५, ००० तका दां इडः बिय धुंकल।

चालुवर्ष हिलाया दुनयं २२, ३०९ म्हा सिता मिखाया उपचार यागु दः सा ६०७ म्हा सिया मिखाया अपरेशन जुगु दः। थवहे इलय नगर आयुर्वेदिक स्वास्थ्य उपचार केन्द्रपाखं २ हजार १८२ म्हा सिनं स्वास्थ्य उपचार काय धुंकल। फुक्क वडाय् नगरबासी मिसातय्गु मचाँ व दुरुप्प परीक्षण याडः क्यान्सर ल्वयया विरुद्ध जनता रवाकय्गु शिविरत तय धुंकल।

विकास निर्माण

सम्पदा ल्यंकः म्वाकः तयगुलि थुगु कार्यकालय् न्हपांगु दायঁ डागः देगः, डागू फल्चा, नेखा द्यो छुं, छगः पुखु व मेगु नेगु याडः

सचिवत हिगूगू ख्वप पौ. बःच्छि पौ(पाक्षिक)

मुक्कं हिंडागू सम्पदात ल्हवनय् कानय् व दानय्गु ज्या जुल। अथेहे २२गू सम्पदात ल्हवनय् व दानय्गु ज्या जुयो च्वंगु दः। थुकिया लागिं चालु आ.व या हिला दुनय् ७ करोड ४० लाख व ७३ द्व तका दां खर्च जुल। उकी मध्ये नित्य नाथ देगः, भगवान द्योया चैत्य, भोलाँ, पुखु, दुब्यांकय्गु फल्चा, वन्ती फल्चा, गुह्यश्वरी फल्चा, देगमना फल्चा, भाज्या पुखूया जलेश्वर देगः, बेतः द्योया द्योछैं, वाकुपतिचाँगु नारायण देगः त दानय् धुंगू मू मू सम्पदात खः। जनप्रतिनिधिपुं भःगु दाच्छिया दुनयं थाय् थासय् सडक ग्रामेल, कालोपत्रे व लोहँ तं सियगु ज्यात जुल। २३६० मि. त्वनय्गु ना. या पाइप लाय्गु, कभर्ड हल छगु, मचाकयबः छगु, फोहरमैला प्रशोधन केन्द्रया पूर्वाधार दय्केगु ज्या नं क्वचाया धुंकल। निर्माण सम्पन्न व चालू विकास निर्माणया आयोजना नपां याडः चालु आ.व. या १० महिनाखय् १९ करोड १० लाख तका दां खर्च जुल।

कला संस्कृति ल्यंकः म्वाकः तयगु

पुर्खां दय्कः तःगु सम्पति भीगु कला व संस्कृतिया नारा पूर्वांकय्ता ख्वप नगरपालिकां थानाया ऐतिहासिक, पुरातात्विक व सांस्कृतिक मूर्त अमूर्त सम्पदात ल्यंकः म्वाकः वयो च्वंगु दः। नगरदुनय्या देगः, मथत, फल्चा, बह बही, सतः, द्योछैं, ल्वहँहिति, पुखु, देवालय् शिवालय नपां मूर्त सम्पदात नपां प्याखं, बाजागाजा, दाफा भजन नपां थी थी अमूर्त सम्पदात नपां ल्यंकः म्वाक' तय्गुलि जिमिगु द्यान वाडः च्वंगु दः। अथेहे नगरया ऐतिहासिक पहः ल्यंकः तय्ता भीगुहे पुलांगु पहलय् नगरपालिकाया निजी आवासीय भवन, निर्माण मापदण्ड पालना याडः द्यूकेगु, निजी छुं थुवः तय्ता अनुदान व्यूव्यूं प्रोत्साहित नं याडागु दः। सांस्कृतिक अमूर्त सम्पदा संरक्षणार्थ २०७९ चैत्र १७ गते प्रगतिशील भजन प्रतियोगिता याडः दुथ्यापुं सकल भजन पुचः ता वाद्यवादन सामग्री व त्याकपुं भजन पुचः ता नगद सिरपा विल। थुगुसीनं सापारुया लसताय् क्यंगु थी थी सांस्कृतिक विधात ल्यज्यायाडः सिरपा नं व्यूगु जुल।

सुचुकुचु:

सुचुकुचु नगरपालिकाया मेगु महत्वपूर्ण ज्या खः। नगरता न्ह्याब्ले सुचुकुचु व यचु पिचुक तय्ता १४० म्हा ज्यामित छ्यल: ध्वगिइगु व ध्वमगिइगु फोहरत मुडः च्वंगु दः। ख्वपय् न्हिं ३० टन फोहर प्याहौं वयो च्वंगु दः। ध्वगिइगु फोहरं सि.एन.बी.एम. प्रविधिं नेपाली सः दय्कः दांकः कृषकपिन्ता मियो च्वंगु नपां ध्वगिइगु फोहर हकनं छ्यलय् ज्यूगु धातु, प्लास्टिक छखय् लिइकः बाकी फोहर थासय् लाक च्वंगु दः। फोहर थासय् लाकय्ता थुगु आ.व खय् दाच्छिया १४ करोड छखय् लिइकगु मध्ये थुगु हिलाया दुनयं ९ करोड स्वयो अपः खर्च जुय धुंकल। नगरया लिपा थ्यक्या सुचुकुचु ज्या जिमिगु चुनौती जुयो च्वंगु दः।

सचिवत हिंगू खप पौ. बःछि पौ(पाक्षिक)

त्वनयगु ना:

खप देशय् त्वनयगु ना: छैं तस्कं म्हवँ। नगरकोट व बोदे नं जक ना: इड बियो वयो च्वंगुलि २०७९ जेठ १२ गते निसें मेलम्चीया ना: खप नगर दुनय् इयगु ज्या जुल। खप नगरया क्वनय् पाखय्या वडा नं १,२,३,४,५ सं मेलम्चीया त्वनयगु ना: इड: व्यगु जुल ल्यं दःगु वडाय् नं मेलम्चीया ना: इड: बियता कुत: जुयो च्वंगु द:। अ: बाराहीथाय् निसें सुजमारी तक त्वनयगु ना: या पाडप लायगु ज्या जुयो च्वंगु द:। त्वनयगु ना: या खार्य जनताया गुनासो वसेलिं उगु खार्य सम्बेदनशील जुयो उगु समस्या ज्यंक्यता फछिं फक्व: गम्भीर जुयो ज्यासाड च्वडा। खप नगर वडा नं ९ तमचो दुगुरे आवास योजनासं डिप बोरिड्या ना: इड: बियगु ज्या जुल। त्वनयगु ना: या हिति तय्ता २३२ महासिनं दर्खास्त त गुलि २०८ खाँ छैं हिति तय्ता धुंकल। खप नगरपालिका वडा नं. १ सं डिप बोरिड्या ना: मुड तय्ता ट्याढ्की दय्केगु ज्या जुयो च्वंगु द:। त्वनयगु ना: या समस्या ज्यंक्यता मेमेगु थाय् नं दला दक मामां थाय्यासय् डिप बोरिड याड: ना: इड: च्वंगु द:।

कासा

खप नगरपालिकां शिक्षा, स्वास्थ्य व सामाजिक विकास निसं कासातानं विशेष महत्व व्यू व्यूं कासाया ज्या इव: नं हृष्याश्यां यंक: च्वंगु द:। फुटबल, भलिबल, बक्सिड, कराँते व ख्यैं बल चायगु मदिक्क स्यनयगु ज्या न्ह्याक न्ह्याकं पूर्णकालीन कासाया स्यनामिपुं छ्वयो नगर दुनयया ब्वनय्कुथि स्पडः वयो च्वंगु द:। २०७९ असार १५ निसें १७ गतेतक नगरस्तरीय राष्ट्रपति कप कासाया धिंधिं बल्ला व २०७९ कार्तिक १ गते निसें ६ गते तक खप नगर दुनयया ब्वनय्कुथिया कासाया स्यनामि शिक्षकपिन्ता कासाया 'प्रशिक्षक प्रशिक्षण तालिम' बिल। २०७९पुस ५ गते निसें ९ गते तक खप नगरदुनयया ८० गू सामुदायिक व संस्थागत ब्वनय्कुथि व्यागु १४ गू वियाया कासाया धिं धिं बल्लासं २,६९८ म्हा कासामिपिसं ब्वति कःगु जुल। निर्वाचन घोषणा पत्र काथं दायैं दायैं पतिकं न्ह्याकेगु 'अन्तरनगर खेलकुद प्रतियोगिता' काथं थुगुसी अन्तर नगर खो खो या धिंधिं बल्ला २०७९ फागुन ५ गते निसें ९ गते तक व्वचाय्कगु जुल।

सहकारी

सहकारीसं वचतकर्तापिनिगु ध्यबा ज्वडः बिसे वाड च्वंगु जुल, खप नगर दुनयैं चाय्क: तःगु १५६ गू सहकारीता मदिक्क अनुगमन यासे व्यवस्थित यायगु कुत जुयो च्वंगु द:। इलय् व्यलय् सञ्चालकपुं कर्मचारीपिनिगु बैठक निसं म:, काथंया तालिम व्यू व्यूं वयो च्वंगु द:। छगु नेगु सहकारीखय् वगु समस्याता विच: याडः मे मेपुं सहकारी सञ्चालकपुं व वचतकर्ता पिन्ता सचेत यायां अनियमित यायां बिसेवानिपुं सहकारी सञ्चालकतयगु नामय च्वंगु छैं

बँ रोक्का याडः जनताया ध्येबा सुरक्षित यायगु कुत: याडः च्वडा।

सहकारीखय् मुनय हःगु ध्येबा ख्यैं छैगु थासय् जक लाय् छ्यलय्ता घ्वासा व्यूसे सामुदायिक विकास कोषय् मुनय हःगु ध्यबा जनताया सेवासं खर्च याक्यता खप नगरपालिका व सहकारी कःमिपुं नपां मंकलं ज्या न्ह्याकः च्वडा।

कृषि

खप दे बँज्यामित (कृषकपुं) अपलं दःगु थाय् जूसां सहरी करण व स्वनिग: केन्द्रित बस्ती ख्यडः वसेनि बँज्यायायगु थाय् भन भन म्हवँ जुयो वांगु द:। उकी नसाज्वलं, तरकारी नपां कृषिपाखं सैगु सामानता पू वांक्यता खप नगरपालिकां आधुनिक कृषि प्रणाली सम्बन्धी कृषि प्राविधिक तालिम बिल। दांकः वापुसा, ध्यबा म्वाय्कः छ्व पुसा, कृषि चुन दांकः नेपाली (कम्पोस्ट) सः मियो बँज्या सानिपिन्ता घ्वासा वियो वयो च्वडा। थुगु इलय गल्लीखिचा नियन्त्रण व व्यवस्थापनया लागिं ९६२ म्हा खिचातय्ता रेबिज खोप व्यवस्था व २३६ म्हा खिचातय्ता बन्ध्याकरण याकल।

आवास योजना

खप नगरपालिकापाखं न्ह्याकः च्वंगु देको-मिबा इतापाक्य् जग्गा एकीकरण आयोजना व्वचाइथें च्वन। देको -मिबा इतापाके लागाया फुक्क जग्गाया नापीनक्सा स्वीकृत जुयो साविक १५ क, ख, ग, घ, ड, च व ज १० (क) या स्थायी पूर्जा इडः बियो च्वंगु द:। अ: तक खय् उगु थाय्या ३३ ब्लः (३३ प्रतिशत) पूर्जा इडः बियो धुंकल। ल्यं दःगु जग्गाया सीमाड्कन याडः पूर्जा इडः च्वंगु द:। नपां पूर्वाधार दय्केगु नं ज्या जुयो च्वंगु द:।

बजार अनुगमन

उपभोक्ता पिनिगु हक अधिकार सुनिश्चित बिय्ता नगरवासीपिनिगु स्वास्थ्यसं बांमलागू लिच्व: थः मवः धायगु काथं फुक्क ताजिया नसा ज्वलं व उपभोग्य सामग्रीत मिङ्गुलि भिंक्यता इलय-व्यलय नगरपालिकां अनुगमन याडः च्वंगु द:। जात्रा, नखा-चखाता बिच याडः पसः या अनुगमन नपां जनताया स्वास्थ्य नपां तप्यंक स्वापु दैगु वास पसःत, ला: पसः, चाकुमारी पसः नपां थी पसः अनुगमन यायां वगुदः। उगु इलय लुयोवगु म्याद फुगु, ध्वगिगु वस्तु धूयासे मापदण्ड पूमवांकपु व्यवसाय चाय्कः च्वपु व्यवसायीपिन्ता (कार्वाही याडः) बं पुइकः १,९७,३०० तका असुल यागुदः। अथेहे नगरपालिका दुनय् न्ह्याक च्वंगु विकास निर्माणया ज्या नपां सम्पदा ल्यंकः म्वाकः तय्गु ज्या नं अनुगमन याडः च्वंगु दः।

नवसापास

आर्थिक वर्ष ०७९/८० या हिला दुनयैं मुक्क २५५ गू नक्सा दर्ता जूगुली उगु इलय ३६३ गू नक्सा पास जुल। उलीमध्ये १९१ म्हासिनं निर्माण सम्पन्न दसि पौ नं काय धुंकल।

मुद्दा फल्याँट

आ.व. ०७९/८० या हिला दुनय अनियमित निर्माण नपांया विषयसं ३४८ गू मुद्दा फल्याँट जुल। उगुइलय नगरपालिकाय् मुक्क १९९ गू मुद्दा दर्ता ज्ञगु खः।

लाहातय ज्या दैगु तालिम

ज्या मरुपु ल्यासे ल्याम्हो पुं मिसातयता स्वयो ख्वप नगरपालिकां थी थी लाहातय ज्या दैगु तालिमत चाय्क व गुलि अः आधारभूत व उन्नत सुज्या सुयगु, बुटिक, ज्वरय् यायगु शिक्षा, साँच्याकयगु थजगु तालिम नपां जापानीज, चिनियाँ भाय् स्यनयगु, डकःमि, सिँःकःमिया तालिमया मःकाथं कुतः जुयो च्वंगु दः। ल्यासे ल्याम्हापिन्ता लाहातय ज्या बिय्ता नगरपालिकां डागू लाख तकातक युवा उद्यमशीलता काथं धेबा त्याय्वियगु व्यवस्था यागु दः।

खुसी भिंकयगु ज्या

ख्वप देया उत्तर व दक्षिण पाखय् न्ह्याइगु कासाड खुसी व खोँहे (हनुमन्ते) खुसी फोहर जुयो च्वंगुलि जिमिता तस्कं चिन्ता जुयो च्वंगु दः। खुसी जुकःतःगु धः व्यवस्थित याय्ता पीआइडी पाखं ब्रह्मायणी निसें सल्लाघारी तक पाइप लायगु ज्या क्वचालसा हनुमान घाट व सल्लाघारी च्वंगु उपचार पुखु हकनं छ्यलयता मः काथंया ज्या जुयो च्वंगु दः। अथेहे हनुमान घाटया नेखय् सिथ्य् पः खः दाड हनुमन्ते करिडोरया ज्या हज्याडः च्वंगु दः।

सञ्चारमाध्यम

ख्वप नगरपालिकां आर्थिक अनुशासन व पारदर्शिता ता हनयूतयो सुशासन यायगु कुतः जुयो च्वंगु दः। उगु इवलय् ख्वप नगरपालिकां थःगु खः पौ पिथाडः नगरपालिकाया फुक्क ज्या इवः तः व निपं (निर्णय) त पिढ्ययो वगु दः। ख्वप नगरपालिकां मदिक्क भक्तपुर लय पौ, ख्वप पौ बःछि पौ, भक्तपुर खबर डुटकम (अनलाइन) पत्रिका, फेसबुक पेज, वेभसाइट पाखं नगरपालिकाया फुक्कज्या इवःत पिढ्ययो वगु दः। थुगुसी ख्वप नगरपालिकां ख्वप टेलिभिजन प्रशारण यायगु कुतः याड च्वंगु दः। थुगुसी ‘वाकुपति चाँगुनारायणमा तामाको छानामा सुनको जलप २०८०’ साफू पिथांगु जुल।

साफूकुथि

नगरवासीपिन्ति सांस्कृतिक स्तर च्वजाय्केता ब्वनयमःधायगु संकृति हज्याकयता नगरपालिकापाखं चाय्कः तःगु ‘जनज्योति पुस्तकालयता बालाकः हज्याकः च्वडा। उगु साफू कुथि थौं निसें ई-लाइब्रेरी नं चाय्कगु जुल। जनज्योति साफू कुथि १४७० म्हा दुजःपु दःगुलि थुगुसी १०,८४६ म्हा साफूकुथिया साफू छ्यलिपु व

सचिवत हिगूगु ख्वप पौ, बःछि पौ(पाक्षिक)

ब्वनिपुं दःगु खाँ साफूकुथि धःगु दः। उगु साफूकुथि इन्टरनेट नपांया हिगः कम्प्युटरया व्यवस्था दः।

विविध (थी थी) दाच्छिया दुनयैँ देशय् ३१ गू स्थानीय तहया प्रमुख उप-प्रमुख व जनप्रतिनिधिपिसं ख्वपय् भायो स्वयोदिल। उगु लसताय् वयक्कुपुं नपां नपालाडः अनुभवत कालबिल याङ्गागु जुल। थथे याडः दाच्छिया ४६ गू स्थानीय तहया प्रमुख उप-प्रमुखपुं नपालाय् दत। गुकी जिमिता वयक्पिन्ति अनुभव न्यै न्यं भन अप्व जनताया सेवायायगु मन च्व जाल।

दाच्छिया दुनयैँ चीन, बङ्गलादेश, नवैं, लक्जम्बर्ग, पाकिस्तान, दक्षिण एशियाली संसदीय टोली, जर्मनी, क्यूवा थजगु च्यागु मित्रराष्ट्रया उच्चस्तरीय प्रतिनिधिपुं ख्वपय् चाह्यू भाल।



नगरपालिकाय् ज्या सानिपुं कर्मचारी पिनिगु क्षमता अप्वयकेता नगरपालिकाया रवसालय थी थी तालिमत बिल। अथेहे मन्त्रालय व मेमेपुं सरोकार दः पिनि पाखया तालिमय् नं थुगु नगरपालिकाया कर्मचारीपुं वांगु जुल।

दकलय लिपा, ख्वप नगरपालिकां जनताया निति यायमःगु यक्व हे ज्या त ल्यंदः नि। जनताया बिचः सल्लाह व सुभावकाथ न्हपायाय्यें मदिक्क जनताया सेवाखय् मदिक्क थाकु मचः सें जुयगु बचं बियो च्वडा। वैगु आ.व. २०८०/८१या बजेट अधिवेशन हनय् वयो च्वंगु दः। उकिया लागिं नं नगरपालिकां याय् मःगु महत्वपूर्ण ज्याया लागिं इलय् हे मःगु सुभावत बिय्ता सकल नगरबासी दाजुकिजा तताकेहेँपिन्ता इनाप याय्। जिपु छिकपिन्ति सेवाया लागिं न्ह्याङ्गेले हनय् हे लाई।

६ जेठ २०८०
(ख्वप नगर प्रमुखया न्वचु)

द्रुन्द पीडित पिता धेबा रमेश लाहातय ज्या कैरु तालिम वियत:

सशस्त्र संघर्ष्याडः समाजय् ह्यूपा ह्यूगु धायो हिदातक



संघर्ष यापूं पासापिनिपाखं थौं थुं
ज्या इवः ख्य् वारम्बार शान्ति,
हिंसा मदयकः छ्वयगु, अ हकनं
हिंसात्मक घटनात मजुर्इकेगु
थजगु बचं या खाँ न्यनय् दत।

छुं इलय शान्तिपूर्ण आन्दोलनय्

जूपिन्ता संसदावादी दकः द्वपं

विइपुं पासापुं अः शान्तिया खाँ

ल्हाडः च्वंगु स्वयबलय् ई नपां पासापिनिगु बिचः यक्व है पाडः वगु
मति वाना। २०६३ साल निसें अः तकया हिंखुदाया इलय् माओवादीया
न्ह्यलुवाय् सरकार प्यकः निः स्वांगु जुल। अःनं उब्लेया यौन जन्य
हिंसा व बलात्कारय् लापुं मिसातय् लागिं राहत प्वडः च्वंगु दः।
थुलि ता: हाकगु इलय् तक पीडितपिन्ता कार्बाही व ग्वाहाली छाय
मजुला, सुनं पाना, अलय् अः सुयाय्के कार्बाही याडः बिया दक प्वडः
च्वना ?

द्वन्द मत दक क्वः छ्यूगु ता: ई लिपा द्वन्दया इलय् या
यौन हिंसा व बलात्कारया खाँय् छलफल याडः च्वडा। अः
पिढवगु कार्ययोजना काथं थवनं लिपाया स्वदाया दुनयैं यौन हिंसा
पीडित पिनिगु समस्या ज्यंकयगु खाँ ल्हाडः च्वना। हिदातक जूगु
सशस्त्र संघर्ष्या शान्तिपूर्ण व्यवस्थापनता नीदा बिक्यगु खः सा
देया विकास तिर्माणया खाँ भीसं गुब्ले ल्हायगु ? थजगु खाँ
सरकारे च्वंपिसं बिचः याय् मःगु खः।

द्वन्दया खाँ भजन याडः भीसं ग्वादातक विदेशी एनजिओ /
आई एन जिओता दुःख वियो च्वनयगु ? भीगु समस्या भीसं है
न्हांकयगु स्वयगु मफूसाजक करपिन्के ग्वाहाली फ्वनयगु बालाई। थुगु
इलय् द्वन्दकालया महिला हिंसा व बलात्कारया घटना ख्य् जक भी
तः केडः च्वन धः सा उकि न्याय बिय फै मखु। वांगु हिंखुदाया दुनयैं
उब्लेस्वयो अपः महिलात यौन हिंसा व बलाकारं पीडित जुगु दः। व
फुक्कसिया दुःख व पीडा छांगू तुं है खः। थुगु खायैं न सरकारं बिचः
याय् मः।

थाना सशस्त्र द्वन्दया खाँजक ल्हाडः च्वना। देशय् राजनीतिक
ह्यूपाया लागिं शान्तिपूर्ण आन्दोलनय जूपिनिगु योगदान नं म्हवैं मखु।
व आन्दोलनकारी मध्ये गुलि जेलय् च्वना, प्रवास जीवन हानयमाला
सा गुलिसिया अद्ग - भद्ग जुला वा स्याता। थौं या गणतन्त्र व
फुक्क वीर महान योद्धा पिसं यागु योगदानया लिच्चः खः। फुक्क खाँ
विदेशी गैर सरकारी संस्थातयगु सल्लाह न्यडः जक हज्यायगु खः सा
संघ, प्रदेश व स्थानीय सरकार न्ह्याकिपुं 'बुँख्याचा' थैं जक जुर्ई।
थजगु खायैं फुक्कसिनं गम्भीर जुयो बिचः याय् मः।

सरकारं यौनजन्य हिंसा बलात्कार पीडित व अयोग्य
लडाकुतयैता नेगू लाख तका दां मनूम्हां बियगु खाँ क्वः छिता।
अयोग्य लडाकुतय् नामय् जक चालु आ.व. ख्य् द० करोड तका दां
इय्तांगू दः। उगु धेबा ७७ गू जिल्लाया ल्यासे ल्याम्हो पिन्ता तालिम

ख्वप नगर प्रमुख सुनिल प्रजापति

बिय फः। लाखौं ल्यासे ल्याम्होपुं थःगु तुतिखय दानयगु मौका दै अलय
विदेशय् ज्या मः वानिपुं म्हवैं जुर्ई। ल्यासे ल्याम्होपुं थःगु है देशय् सं
ज्या याडः च्वंसा दे हज्याकय् फै। मिसातयगु समस्या लैझ्गितानपां
जक स्वाडः स्वयगु पाय्छि मजु व वर्गीय समस्या खः। वर्गीय
समस्या ज्यंकयगु वर्गीय मुक्ति जक याय् फै।

सकल जनतातयैता योग्यता काथंया ज्या व ज्या काथंया
ज्याला वियगु शिक्षा व स्वास्थ्य उपचार धेबा म्वायकः यायगु नपां
फुक्क ल्यासे ल्याम्होपिन्ता लाहातय् ज्या बिय फः सा सुननं १/२ गू
लाखया लोभ याइ मखु। छुं छम्हचा मिसातयैता धायोजक राहत
प्वडः च्वनय् मालि मखु।

अ-नेपः या ब्वनामिपुं उच्चशिक्षा ब्वनयैता विदेशय् वानयगु
लहर है वयो च्वंगु दः। अमिसं भिंगु बालागू शिक्षा थःगु देशया कलेज
बिई धायगु विश्वास मयाय् धुक्कल। वांगु चालु वर्षया गुलाया दुनयैं
१० द्व स्वयो अपः ब्वनामिपुं विदेशय् ब्वैं वानय् धुक्कल। थव बालागू
पहः मखु। रोजगारीया नामयैं वर्षया लाखौं ल्यासेल्याम्होपुं प्याहाँ
वांसेलिं देशय् मचात व बुहाबुहीपुं जक ल्यडु च्वंगु अवस्था वल। गुकीं
नेपः या अर्थतन्त्रय बाँमलागू लिच्चः लाडः च्वन।

प्रदेश व स्थानीय तहलय छवयो हैगु सामाजिकीकरण अनुदान
बच्छी (५०प्रतिशत) म्हाँ जुइगु संघीय सरकारं फुक्क स्थानीय तहता
पौ च्वय धुक्कगु जुल। राजश्व अपः मुनय् मफूगु खाँ सरकारं धायो
च्वंगु दः। छम्हा माननीय जुया दाच्छिया ४० अर्ब सम्पति अपः मुंगु
व विश्वया धनीपिनिगु नां धलः ख्य् १९६५ या ताकी थाकायो १६४७
य् थाहाँ वगु बुखाँ दः। व अलय वथजपुं धनाद्यपिसं राज्यता गुलि
कर पुला ? व नं राज्यं सार्वजनिक या: सा बालाई।

लमांकय बहगु खाँ १ अर्ब ४१ करोड जनसंख्या दःगु जलाखाला
दे चीन आनाया सकल नागरिकपिन्ता लाहातय् ज्या बियो थौं हलिमय्
दोश्रो अर्थतन्त्र दःगु दे ज्यूता तः लात। चीन सन २०१२ लिपा २०२१
तकया इलय् ९ करोड द९ लाख जनताता गरिबीया धव खं च्वय
थाकाला। सन् २०२१ य् चीन गरिबी मरुगु दे काथं क्वः छिता।
संयुक्त राष्ट्रसंघं सहश्राब्दीया तातुना धायो सन् २०३० य् गरिबी
मुक्तयायगु खाँ क्वः छ्यूगु खः। अयनं चीन हिंदा हाँ है उगु तातुना
ज्याखं याय् फःगु खः।

राज्य न्ह्याकिपुं बालापुं व व्यवस्थित याय फःपुं जूसा दे
हछ्यायैता ता ई बिई मखु। देश आर्थिक रूपं टाटपल्टय् जुय ताडा
नं सरकारे उत्पादन जुइगु थासय् लाय् छ्यलयगु मस्व। थःपुं
कार्यकर्तापिन्ता विदेशी तयगु ग्वाहालीख्य छुं भाति धेबा इय्गु पाखय्
जक बिचः याडः च्वना। थजगु इलय् दे गथे हछ्याय् फै ?

(गृह मन्त्रलायया ग्वसालय महिला शान्ति व सुरक्षा सम्बन्धी २०८०
वैशाख २४ गते संयुक्त राष्ट्रसंघ, सुरक्षा परिषद् प्रस्ताव नं १३२५ व १८२० या
छ्यला सम्बन्धी राजधानीसं जूगु नेकगु कार्य योजनाया राष्ट्रिय कार्यशालासं छ्वप
नगरपालिकाया प्रमुख सुनिल प्रजापति जुं बियो द्व्यगु न्वच्युया भायहिला सं)

स्वनिगःया फोहर व्यवस्थापनसं संघं प्रदेश व स्थानीय

तहया मंकः कुतःजुयम

स्वनिगःया फोहर व्यवस्थापनया
चासो कायो बैठक सःत द्यूगुलि सुभाय् ।

न्हूंगु संविधान पलिस्था याय् धुकः
दे शय् अपलं पालिकात नं दत ।
नगरपालिकादक व्यवस्थापनया
उपचार पुखु, फोहर(व्यवस्थापन) थासय्
लाकयगु, दमकल थजगु मदयकः मगागु
पूर्वाधारत दयकगु जूसा अःयाय् फोहर थासय्
लाकयगु समस्या मवैगु खः ।

फोहर थासय् लाकयगु छुं छगु
पालिका व स्वनिगःया जक समस्या मखुसें
देशां देचिया पालिकातयगु समस्या खः ।
न्हपा नुवाडः द्यूपुं पासापिसं स्वनिगःया फोहर
स्थानीय पालिकां हे थासय् लाकय् मः धयो
दिला । थुकी जिमिसं धायगु छुं हे मरु ।
अलय् फोहर थासय् लाकयगु भी सकलसिया
मंकः चुनौति खः । मंकः समस्या न्हांकयगु
ज्या याकचायगु जक मखु संघ, प्रदेश व
स्थानीय तहया मंकः कुतलं जक याय् फः ।
छम्हासिं मेम्हासिता चितुमतु जक चिइकः
समस्या ज्यनिमखु बरु तातु ताडः जक वै ।

फोहर थासय् लाकयगु ज्या थी थी
देश पाखं नं भीसं सय्केगु कुतः याय्मः ।
एकेन्दुनेभियन देशं (स्वीडेन, नर्वे,
फिनल्याण्ड, आइस ल्याण्ड व डेनमार्क) फोहर
गथे थासय् लाकः च्वना । जिमिसं आनाया
अध्ययन याडः भीता काथंठिं थे आनाया
अनुभव थाना भीसं छ्यलय् फः । स्वीडेनं
सन २०२० तकखय् फोहरता १ प्रतिशतजक
ल्यंदयकेगु खाँ व्वः छिडः ज्या न्ह्याकला
गुगु तातुना पूवांकः हे त्वः तला । वं अ नर्वे
व बेलायतं नपां फोहर न्याडः काइगु उकिं
बिजुली व ग्याँस पिकायो लच्छया करोडौं
तका डलर कमय् याडः च्वंगु दः । फोहरं
माहर कमेयायगु काथं बालागु आम्दानी याडः
च्वंगु दः ।

अः अस्पतालया फोहर भीगु मेगु
समस्या खः । अस्पतालया फोहर बालाकः

थासय् तय मफूसा उकी महामारी काथं डांकय्
फः । संघ सरकारं हे इन्सेनेटरत न्याडः
हयो अस्पतालता इडः बियफःसा तस्कं
बांलाई ।

थाना न्हपा नुवाडः द्यूपुं पासापिसं स्वनिगःया फोहर व्यवस्थापनया खायँ खप
दे याय् नं तःक हे नां कायो दिल । सकसिनं थुइकः दिसँ खप नगरपालिकां अः तकः आनाया फोहर थःथमहे थासय् लाकः वयों च्वंगु जुल । बञ्चरे डॉडा व सिसडोलय् फोहर वाय यंकगु मरु । लिपा छु जुई व स्वय् हे बाकी दः नि । खप नगरपालिकां ध्वगिइगु फोहर नेपाली सः (कम्पोष्ट सः) दयकः, किसान तयत मियो वयो च्वंगु खाँ थाना व्याकः च्वडा ।

खप दे चिच्याहाङु नगर खः । फोहर नं म्हवचा जक हे वैगु । न्हिं ३० टन फोहर वैगुलि ६८ प्रतिशत ध्वगिइगु व ३२ प्रतिशत ध्वमगिइगु फोहर वैगु जिमिगु अध्ययन क्यडः च्वंगु दः । ध्वगिइगु फोहर नगरपालिकां थःगु हे केन्द्रे (थासय) यंकः नेपाली (कम्पोष्ट) सः दयकः छगु किलोया नीतका दामं मियो च्वंगु दः । ध्वमगिइगु फोहर नं ल्ययो हकनं छ्यलय् ज्यूगु फोहर ल्ययो बाकी जक द्वँ चिनयगु खः ।

फोहर वैगु थासं हे म्हवँयायगु तातुडः छुं खा पतिकं नेगूरंगया बाल्टिन इडः बियो ध्वगिइगु व ध्वमगिइगु बिस्कं बिस्कं फोहरत मुनयगु । नपाँ नागरिकपित्ताकः सि खेती याय्ता, कम्पोष्ट सः दयकेगु ज्या अःपुक तालिम बिया । थुकीं फोहर म्हवचा जकवगु जिमिक्य अनुभव दः ।

फोहर थासय् लाकयगु ज्या निजीता बिय मज्यू धायगु जिमिगु मान्यता खः । निजी लागाया मनूतयसं नागरिक पिनिगु स्वास्थ्य स्वयो लब ता हदाय तयो ज्या सानि । थाना फोहर थासय् लाकयगु स्थानीय तहया थः गुहे एकल अधिकार धायगु खाँ नं

प्रमुख सुनिल प्रजापति

पिजवल । व धात्येंगु खाँ खः । अथे धाय्यबले संघ व प्रदेशया छूं हे जिम्मेवारी मरुला ? अथेखः सा प्रदेशसभा मःलाकि म्वँधायगु खाँ प्याहाँ वै । मुख्यमन्त्री, संघ व प्रदेशया मन्त्रीत, सांसदपुं हे सिसडोलय फोहर वाक्य् बियमखु दक हः जुईसा छिकपिसं हे समस्या ज्यंकयगु थाय् नं क्यडः बिय माल । स्वनिगः सुचुकुचु याडः तयगु जिम्मा भी फुक्क सियायगु खः ।

जिमिगु छगू नेगू सुभावतः

- फोहर थासय् लाकयगु खायँ संघ, प्रदेश व स्थानीय तहया जिम्मेवारी स्पष्ट जुइगु कानुन दयके मः
- फोहर थासय् लाकयगु ज्या निजीता बियमज्यू थःथःगुपालिकां थमनं हे थासय् लाकयगु कुतः याय्मः उकिया लागिं मःमः गु उपकरण त व बजेटया व्यवस्था संघ सरकारं वियगु नीति दयकेगु ।
- संघ सरकारं हे मःगु थाय्या व्यवस्था याडः ग्यास व बिजुली पिकायगु प्लान्ट्या व्यवस्था यायगु नपाँ याय् फःगु थासय् (कम्पोष्ट) नेपाली सः दयकेगु कारखाना दयकेगु ।
- फोहर प्याहाँ वैगु थासं हे म्हवँ याय्ता जनताता ग्वाकः खाँ कानयगु नपाँ ध्वगिइगु व ध्वमगिइगु फोहर बिस्कं-बिस्कं मुनयगु ।
- फोहर बालाक मुडः थासय् लाकः स्वनिगःता यचुपिच्चुगु व बालागु पर्यटकीय लागा काथं हछ्याय्ता सकलसिनं थः थः गु थासं ग्वाहाली यायगु ।

सुभाय्

(प्रधानमन्त्री व मन्त्री परिषद् कार्यालयया ग्वसालय प्रधानमन्त्रीया मू पाहाल्य बैशाख २९ गते शुक्रबार स्वनिगःया फोहर थासय् लाकयगु खायँ च्वंगु बैठकसं खप नगरपालिकाया प्रमुख सुनिल प्रजापति जु बियो द्यूगु न्वचुया भाय् हिला-सं)

स्वास्थ्य उपचार सेवा व स्थानीय तह

विवेक

स्थानीयतहया निर्वाचनया इलय थी थी दलया उम्मेदवारपिं जनताता अःपुक स्वास्थ्य उपचार सेवा वियगु वाचा याता । अलय पार्टीया घोषणा-पत्र खय् नं चवता । देया थी थी पालिकां थःथःगु गच्छे व क्षमता काथं जनताता स्वास्थ्य उपचार सेवा ब्यू ब्यू वयो चवंगु नं दः । अपलं पालिकाय स्वास्थ्य केन्द्र व अस्पताल भवनत दाडः चवंगु नं दः । नेपः या सरकारं नं फुकं पालिकाय् १५ गू शय्या अस्पताल दयकेगु नीति काथं भवन दानय्ता गवाहाली याडः वयो चवंगु दः ।

एमालेया नायो के.पी. ओलीया न्ह्यलुवाया सरकारं छन्हूंतुं ३९ गू अस्पतालया भवन निः स्वानय्गु ज्या याता । अः तक रवःगु अस्पताल दाना अलय गुगु अस्पतालं छु छु सेवात ब्यू ब्यू वला, सरकारं छुं हे खाँ पिब्बयो चवंगु मरु । छुं हनयया सरकारकाथं हज्याडः चवंगु स्थानीय तह थमनं हे अस्पताल चाय्केगु जिम्मा ब्यूगु खाँ बालागु खाँ खः । अलय वनं लिपाया सरकारतय्सं स्वास्थयया लागाता हदाय तयो ज्या मसांगु दुःखया खाँ खः । अस्पताल दयकेवं आनानं सेवा काइगु आनाया जनतां हे खः, सुयां कार्यकर्तातय्सं अलय पार्टीजक सेवा काइगुयां मखु । उकीं निर्माण क्वचःगु थास्य् सरकारं मःगुस्वास्थ्य उपकरणत, जनशक्ति व आर्थिक गवाहाली बियमः ।

अः गुलिं पालिकाय् अस्पताल भवनयां दः अलय् मःगु स्वास्थ्य उपकरणत मरु अलय गुगुं पालिकाय् जनशक्ति दः अलय् उपकरणत मरु । स्थानीय जनतां थःगु छुं क्वय हे सेवा काय दः गुलि काय मखांकः ताःताः पाक

थिक्यगु निजी अस्पतालय् वानय मः । नेपः या सरकार संविधानं क्यंथेया आधारभूत स्वास्थ्य सेवा धेबा म्वाय्कः निःशुल्क याय् धः गु खाँ तक तः लागू मरु । छम्हा छम्हा नागरिकं आकस्मिक स्वास्थ्य सेवा काय दैगु, स्वास्थ्य सेवा सं उथिंग्यंक काय् फैगु अधिकारत नागरिक पिनिगु मौलिक हकखय् ला दकःन्हि थाडः तःगु दः । जनतां अजगु मौलिक हक तकनं छ्यलय् खांगु मरु ।

स्वास्थ्य जीवन नपां तप्यंक स्वाडः वैगु विषय खः । दक्ष जनशक्ति व स्वास्थ्य उपकरणत मदयकः अस्पताल न्ह्याकय् हे फैमखु । चिच्चा-चिच्चाहांगु खाँ खय् नं अस्पताल तछ्याय्गु, चिकित्सकपिन्ता लाहा वाय्गु नपां चिकित्सक पिन्ता ख्याच्चवः वियो लिच्चिङ्केगु ज्या इलय् ब्यलय जुयो चवंगु दः । गुकीं स्वास्थयया लागाय् ज्या सानिपुं चिकित्सकपुं, कर्मचारीपुं भन हे संवेदनशील जुय मःगु अवस्था दः ।

कोरोना व डेढगुया इलय् स्थानीय तह बालाक ज्या मयागु जुसा छु हालत जुझगु ? उगु इलय् स्थानीय तहता सद्ग्य सरकारं छुं भाति उपकरणत बियो गवाहाली याता अथेत उगु इलय छुं नं प्रदेश सरकार बालागु ज्या याय् मफः । सद्कटया इलय् जनताया सेवा याय मफगुलिं हे प्रदेश सरकार मःला म्वःला दक न्ह्यसः दाँ वगु खः ।

देशय् दः पुं जनशक्तिता नं सरकार जिल्ला जिल्लाया अस्पतालय् छोय् फःगु मरु । गुलिं गाउँपालिकाय् अहेव तक मदयो नर्स, अनमिं वास इडः वियमःगु अवस्था दः । झीगु तेपालय् स्नातकोतर

तांगि पास याडः तःपुं विशेषज्ञ चिकित्सकपुं हिंदू व चय्म्हा दः गु मेडिकल काउन्सिलं धायो चवंगु दः । काउन्सिलं धः काथं आना दर्ता जूपुं स्वीनेद्व व नेस व हि च्याम्हा दः धायो चवंगु दः । व चिकित्सकपुं अः गना दः ? नेपः या सरकारं छाय् देशां देल्लिया अस्पतालय् चिकित्सकया स्थायी दरबन्दी मदयकला ? संघीय व प्रदेशिक दरबन्दीकाथं द्वित्रि व गुस व हिंखुम्हा सियाजक दरबन्दी दता उकिमध्ये आठौंतहया मेडिकल अफिसर च्यास व चय्म्हा व ११ औं तहया नेस व नीप्यम्हाजक दरबन्दी दता । व बाहेकं फुकं करारय् ज्या साडः चवंपु खः । (मजदुर न्हिपौ, २९ बैशाख)

सरकारं निजी मेडिकल कलेजत चाय्केता छुट ब्यूसेलिं अःजनतां स्वास्थ्य उपचार याकय् माल चवंगु दः । सरकारं सरकारी अस्पतालय मःक्व दरबन्दी ताडः मयंकगुलिं चिकित्सकपुं निजी लागाय् ज्या मयासि मगात । निजी अस्पतालं नकतिनि एमविविएस पास याडः व पुं चिकित्सक पिन्ता महवचा तलब बियो श्रम शोषण याडः चवंगु दः । थःगु पढाइ खर्च, ई व मेहनत काथेया लिच्चवः काय मफूसेलि गुलिं चिकित्सकपुं थःगु पेशा हे मयक चवंपु नं खानय दः ।

एमबीबीएस ब्वनय्ता नेपालय ६०/७० लाख पुलय् मः । अपलं थिक्य याडः धेबा पुलः ब्वनय् मफूसेलि अपलं नेपःया ब्वनामिपुं विदेशय् ब्वँ वानय् माल । दाच्छिया प्यसः डासः ब्वनामिपुं चिकित्सा शास्त्र ब्वनय्ता ब्वूगलादेश, भारत, चीन,

सचिष्ठ छिंगु खप पौ. बःछि पौ(पाक्षिक)

फिलिपन्स नपां मेमेगु देशय वाडः च्वंगु दः। अमिगु पाखं दायঁ अरबौं तका दां प्याहाँ वाडः च्वंगु दः। आना २५/३० लाखं ब्वनय् दःगु अलय् नेपालय् उकिया स्वदुगं-प्यदुगं छाय् शुल्क काला ? राज्य गना दः ? थव फूक निजि मेडिकल कलेजत चाय्कः च्वंपिसं याडः जुगु खः। अमिता लुट्य याकय्ता राजनैतिक दल तय्सं पाखुयो तःगु खः।

चिकित्साशास्त्रखय् स्नातकोत्तर (एमडी) तगिं पास यापिनिगु अवस्था नं व स्वयो मपा। स्नातकोत्तर ब्वनिपुं मेडिकल काउन्सिल पाखं दसिपौं (प्रमाण-पत्र) काय धुंपुं चिकित्सकपुं खः। अपुं बिरामी जाँचय् याय्गु अधिकार दः पुं चिकित्सकत खः। विशेषज्ञापिसं स्वयो अपलं मेहनत याडः अमिसं ज्या सानि। लच्छिया करोडँ तका धेबा अस्पतालता आम्दानी याडः बिई। अर्थेन अजपुं चिकित्सक पिनि पाखं नपां निजी कलेजं विद्यार्थी शुल्क धायो २५/३० लाख असुल याई। स्नातकोत्तर याइपिन्ता निःशुल्क जक मखु राज्यं लच्छिलच्छिया तलब बियो ब्वकय् मःगु खः। फिलिपिन्सय् स्नातकोत्तर याइपुं आनाया ब्वनामिपिन्ता सरकार नेपः या १ लाख ५० हजार ति धेबा बियगु याई, भारतया दिल्ली नं भारतीय धेबा (आई सी) ८० हजार बियगु व्यवस्था दःगु जुयो च्वना।

थौकन्हें सरकारी चिकित्सकपिसं निजी लागाय् वाडः ज्या साडः च्वंगु बुखाँत प्याहाँ वयो च्वंगु दः। तः थाय् ज्या सानकिं ज्याखय् फ्यास्यौ वैगु पक्का हे जुल। नीतिगत काथं धाय्गु खः सा सरकारी दरबन्दीखय् ज्या साडः च्वंपुं चिकित्सकपिसं मेथाय् निजी लागाय् ज्या सानय् मज्जू। अलय् थुकी नं सरकारयाय् हे कमजोरी खानय दः। विशेषज्ञ चिकित्सक पिनिगु लागि नं छम्हा सामान्य

अधिकृत सरह जक पारिश्रामिक व्वः छिडः तः गुदः। सरकारं हे धेबा म्वाय्क ब्वकगु जूसां नं थुकी छु समस्या मदैगु खः। मेमेगु विषय स्वयो चिकित्सा विषय तस्कं थिक्य्। धात्येखय्क चिकित्साशास्त्र क्षमतावान ब्वनामिपिसं जक ब्वनय् दयमः गु खः। अः क्षमता दः पुं स्वयो धेबा दः पिसं जक ब्वनय्गु हवता चूलाडः च्वंगु दः। सरकारं थुकी विशेष ब्यवस्था मयासे मगा। अः सरकारी स्वयो निजी अस्पतालत यक्व दः। अजगु अस्पतालय् गरिब जनतात उपचार यो वांसा थिक्य् याडः वास याय् माल च्वंगु दः। निजी अस्पताल उपचारया नामय् गरिब जनताया छुं बूं मिइक उपचारखर्च काकः च्वंगु दः। स्वास्थ्यया लागा सेवा स्वयो मथां धेबा कमेयाय्गु उद्योगकाथं हिलः वाडः च्वंगु दः नपां तःमि पिनिगु लाय छ्यलिगु थाय् जुयो च्वंगु दः। उपेन्द्र महतों मेडिसिटी अस्पताल, विनोद चौधरी नर्भिक अस्पताल, चायक लुट्य याडः च्वंथे राजधानी पिनय्या अपलं अस्पतालत नं ध्यबा कमय् याय्गु तातुडः तःमि पिसं हे न्ह्याकः वयो च्वंगु दः। धेबा पुलय मफयो लाश (सीम्हा) पिता मब्यूसे विरामी पिन्ता कुड़ तला' धाय्गु बुखाँत इलय्-ब्यलय् प्याहाँ वयो च्वंगु दः सा अस्पतालतय् धेबा पुलय मफयो विरामीया परिवार अस्पतालया इयालं तिन्हयो वयो आत्महत्या याता धाय्गु समाचार नं न्यनय् दः। थव फुक्कज्या उदारबादी अर्थतन्त्रं याडः जूगु खः। फुक्क जिम्मा निजीक्षेत्रता बिइगु, राज्य खःला खः जक याडः औपचारिकताय् जक ल्यडः च्वनिगु उदारबादी नीति खः। थुकी गरिब जनताया गुब्ले भिं याइमखु। नेपाली कांग्रेसं हछ्यागु थुगु नीतिता एमाले व माओवादीं नं हछ्याड़ यंकला।

खप अस्पतालया खायँ:

स्थानीय तह चाय्कः तःगु अस्पताल मध्ये खप अस्पतालं ब्रिस्क म्हासिइका पिबवयो वयो च्वंगु दः। शनिवार व सार्वजनिक विदा बलय् नं चालिगु अथेधाय् ३६५ न्हूं तुं ओपिडि सेवा बियो च्वंगु नेपः या छगूजक अस्पताल खप अस्पताल खः। न्हियान्हिथं सुथाय् सिया ७:०० ता इलय् निसें बहनिसिया ६:०० ताइलय् तक अथे धायगु हिं ११ घौ ओपिडि सेवा थानाया मेगु विशेषता खः।

खप नगरपालिकां चाय्कगु जुसां नं थुगु अस्पतालं देया थी थी जिल्लाया नागरिक पिन्ता नं सेवा बियो वयो च्वंगु दः। सकल नगरबासीपिन्ता धेबा म्वायकः अक्सिजन व हि इडः बियो वयो च्वंगु दः। जनताता तस्कं दांकः, भिंकः, अःपुकः सेवा वियगु तातुडः निःस्वांगु थुगु अस्पतालं म्हवचा धेबां भिंकः स्वास्थ्य सेवा बियो वयो च्वंगु दः। जनतां उकिया अनुभव काकां वयो च्वंगु दः।

चालु आ.व. २०७९/८० या वांगु गुलाया दुनयँ देया ६४ गु जिल्लाया १ लाख ६१ हजार स्वयो अपः विरामीपिनिगु सेवा यागु दः। थुकी मेमेगु सेवात तानय्गु ज्या न्ह्याडँ तुं च्वंगु दः। बैशाख महिना निसें मचा बुइकिगु प्रसुति सेवा व तः तःगु हांगु अपरेशन नं न्ह्याकागु दः।

अलय् दुःख्या खाँ छुलय् धःसा खप नगरपालिकाया लाय् छ्यलः दयक च्वंगु उगु अस्पतालया भवन दानय्ता नेपःया सरकारं खुगूकरोड तका जक रवाहाली याता। १५गू शैय्या तकया अस्पताल दय्केगु देया फुक्क गा.पा. व नगरपालिकाता म्हवचाखय्नं १८करोड तका दां रवाहाली याइगु खः। थव पक्षपात छाय् ? सरकारक्य खपया जनताया न्ह्यसः थव हे खः।

लँ मदुपि लंतयूत

पूर्ण तैय

जः उन्मुख
सर्गः उत्सुक
आकासय् म्व लह्याच्चविं
स्वां, सिमाया वाउँगु हःत ।
पेञ्चीस म्हुतु
छाः कीया त्यांक तुति
जब न्ह्या: वइ थुमि म्हय्
पिङ्कक पिङ्कक
निर्धक ल्यया: ल्यया: यानावंगु हत्यात
थव वाउँगु चुलिया ल्यनाच्चवंगु थुत्थात खनेवं
जितः मि जुये मं दइ
सम्पूर्ण प्रकृति प्रति हे
थवया प्रशंसक प्रति हे ।
भाजं पालाय्
फुचाया च्यायेगु म्हगस
कुँकुँ धूछि तौ जुया: त्यादयाच्चवंगु
इताः या अवशेष खनेवं
भसंग जि
छकः चिल्लाय् दने मं दइ
थव संसार हे दिङ्कक
गःपः हे पहसां ।
इई कना
लखय् दुःम्ह मचा थे
जितः सुपलयः काये मंमदु
भुलभुलै यायां
तरवारय् पानातःगु
चाक्कुगु सान्त्वना फ्यन्तप्पया: जक
जितः थव विश्वासया स्वतिपाँचय्
म्वाये मं मदु ।

यथार्थ नापं
तय्जू मदुगु खने मरु मरु याना ।
ज्ञानीया परिभाषाय्
सहयया दाळवं जुयाः
जि मनू -
जितः म्वाये मं मदु ।
सने स्वये मजिक
नकि नकिनं अंगलय्
स्वत्ताक तानातःगु
छपाः क्यानभास ।
छुं च्यये थुकिइ धाधां
रंग जक किनाः व्यर्थ
छुं हे च्यये मजिया वनाच्चवंगु
चिङ्कु चिङ्कुं थवया प्रसार
केरमेर अनाकृतिया
प्वकतं क्यानभास खनेवं
थवया निस्सारता व रिक्तता खनेवं
जितः जुरुजाह दने धया थे जुइ
विषम ज्वरय् नं तागत बः वःम्ह मनू थे
लिलिपुटय् द्यनाच्चवंम्ह गुलिभर थे ।
ह्याउँक इलाबिइ न्यता: छपां
थःगु हिंसा सहसा
थव सितिं वनेत्यंगु मूया खबरदारी ।
क्यानभासया रिक्तताया खबरदारी ।
म्ह नं थव छपाः धवजा जुइफु
लँ मदुपि लंतयूत
भविष्य मदुपि भविष्यतयूत
जिन्दगीया छगु परिभाषा ।

(सितु ४:२४:१०८८)

गूसि घायँ

- आशाकुमार विकंबञ्जार

लायँ लागु गूसि घायँया अति दुःख, अति कष्ट । न्हूतु
न्ह्यो तस्कं हेबाय् चबाय् याइगु । पालिं तःया धू याता हेप्य याय
मते व मिखालय् वाडः दुःख बिई धाई । अथेनं वं थःगु धर्म त्वः
मत । व न्हसां, सुनं बिचः मयासां थःगु जीवन हाड च्वन । छन्ह
थःगु दिन वै धायो आखिर फूकक थासय् गथे न्ह्य फै न्हयाक्व हे
न्हसां व सिथय् पाखय् ता ता हाकः जुजुं वाउँसे च्वडः तः माड वान ।

अलय् मनूनं खाडः धाल - ओहो थौं सितु (गुसी
घायँ) मःगु गणेद्योक्य छायता गुलि बांलाड वाउँसे च्वडः तः
मागु गूत्वः, वं छखय् निसें कतात, मः हाड, गणेद्योया
कपालय ककुतय क्व खाय्कल । ई छन्ह फुक्कसिया वै, गुत्वः
न्हयल न्हयल द्योया कपालय् च्वडः च्वन जनताया समाजवाद
थे ।

ख्वप नगरपालिकाया ज्या भ्रवः त

सरकारं वैज्ञानिक ढंगं फोहर थासय् लाकिगु

वैशाख २९ ज्येष्ठे



प्रधानमन्त्री पुष्टकमल दाहाल (प्रचण्ड) वैज्ञानिक ढंगं स्वनिगःया फोहर थासय् लाकिगु कुतः जुयो च्वंगु दः धायोदिल ।

प्रधानमन्त्री व मन्त्रीपरिषद कार्यालयया गवसालय् शुक्रवार स्वनिगःया फोहर थासय् लाकिगु विषय जूगु बैठक्य् वयकलं फोहरथासय् लाकिता १३ म्हा सिया दुजः दःगु समिति पलिस्था यासे नपां खुम्हासिया टास्कफोर्स पलिस्था याडः हिन्हया दुनय् छ्यलय्गु विश्वास प्वंकः दिल ।

वयकलं स्वनिगःया जक मखु देशां देछिसं फोहर थासय् लाकिग्ता थाकुयो च्वंगुलि उकिता ज्यंकियता सकलसिया मंकः कुत जुयमःगु खाँ ब्याकसे फोहरता समस्या काथं मखु उर्जा उत्पादनया स्रोत काथं हछ्यायगु कुतः जुयो च्वंगु खाँ ब्याकः दिल ।

थी थी देशं छ्यल च्वंगु फोहर थासय् लाकिगु विधित नेपालय न हयो छ्यलय्गु खाँय मन्त्रालयं मःकाथंया समन्वय, मंकः कुतः याडः, वयो च्वंगु खाँ ब्याकसे वयकलं फोहर थासय् लाकिगु विषय छम्हासिं मेम्हासिता द्वपं जक मब्यूसे फुककसिया मंकः कुतलं थुकियात ज्यंकिय मः धायोदिसे स्वनिगःया फोहर थासय् लाकिग्तुलि पंगः तः भन ताँ तां वसेलिं थुकिं स्वनिगया जनताया स्वास्थ्यसं बाँमलागु लिच्चवः लाडः वगु खाँ ब्याकसे सिसडोल व वञ्चरे डाँडाय् फोहर वायगु खाँय ब्यूगु वारेन्ट खारेज यायगु, गिरफ्टार जुपिन्ता तुरुन्त त्वः तय्गु आशवासन बियोदिल ।

ख्वप नगरपालिकाया प्रमुख सुनिल प्रजापति जुं फोहरमैला थासय् लाकिगु फुककसिया मंकः चुनौती काथं दाँ वयो च्वंगु इलय

ख्वप नगरपालिकां फोहरता वैगु स्रोतं है म्हवँ यायगु तातुडः ध्वगिइगु व ध्वमगिगु फोहर छूँ छूँ नं बिस्कं- बिस्कं मुडः थःगु है लागाय् फोहर मुड वयो च्वडागु खाँ काडः दिल ।

वयकलं नगरपालिका दक क्वःछिय हाँ है बसपार्क, उपचारपुखु, फोहर थासय् लाकिगु थजगु व्यवस्था याय मःगुलि दलतय्सं यत्थे नगर घोषणा यागुया लिच्चवः अः देया थी थी थासय् फोहरया समस्या जुयो च्वंगु खाँ ब्याकः दिल ।

हलिमय्या अपलं विकसित देशं फोहरता आम्दानीया लुखा चायकः वयो च्वंगु खाँ कुल दिसे वयकलं सरकारं होटेल, रेष्टुरेन्ट, उद्योग-कारखाना व अस्पतालय इन्सेनेरेटर तयता सरकारं मः काथं गवाहाली याय मः धायोदिल ।

फोहर व्यवस्थापनया जिम्मा निजी लागाता बिय मज्यूगु खाँ कानुनय् है स्पष्ट च्वयोतय मःगु खाँ ब्याकसे वयकलं फोहर थासय् लाकिग्ता संघ, प्रदेश व स्थानीय तहया जिम्मेवारी क्वःछिडः कानुनय व्यवस्था यायमः धायो दिल ।

यल महानगरपालिकाया प्रमुख चिरीबाबु महर्जनं फोहर थासय् लाकिग्ता महानगरपालिकाय् थाय् मरुगु खाँ ब्याकसे वञ्चरे डाँडाया पलि मेरुथाय् संघसरकारं है व्यवस्था यासा सरकारया निर्देशनप् थः पुँ हज्यायगु खाँ ब्याकः दिल ।

अथेह धुनीबैसी नगरपालिकाया प्रमुख बालकृष्ण आचार्य फोहर थासय् लाकिग्ता तःक है बैठक च्वडः खाँ क्वः छ्यूसां मःफगु खाँ कुल दिसे सिसडोल व वञ्चरे डाँडाया भौतिक विकासय् राज्य

संवेदनशील जुयो हज्याय् मः धायोदिल ।

बेलकोटगढी नगरपालिकाया प्रमुख जगत बहादुर गुरुडं फोहर व्यवस्थापन वैज्ञानिक ढंगं थासय् लाकय् ता सरकारया ध्यान सालः वञ्चरे डाँडाया जनताया स्वास्थ्य बाँमलागु लिच्चवः लागुलिं मानव अधिकार हनन जुगु खाँब्याकः दिल ।

अथेहे स्वास्थ्य मन्त्री मोहन बहादुर बस्नेतं स्वतिगःया फोहर थासय् लाकय् मफूगुलिं ल्वय् महामारीकाथं डाड, वाड च्वंगु खाँ ब्याकसे थुगु सपस्या ज्यंकय् ता स्वंगू तहया सरकारया दथ्वी मंकः ज्या यायता स्वास्थ्य मन्त्रालय तथार दःगु खाँ काडः दिल ।

अर्थमन्त्री प्रकाश शरण महतं स्थानीय तहया फोहर थःथःगु थासय् हे तयमःगु खाँ काडः दिसे पीडितपतिनिगु धात्येंगु मागता केन्द्र सरकारं न्यनय् मः धायो दिल ।

संघीय सांसद अर्जुननरसिंह केसी जुं फोहर व्यवस्थापनया स्पष्ट कानून दयमः धायो दिसे सिसडोल व बञ्चरे डाँडाया जनताया

सचिवत हिंगू ख्वप पौ. बःछि पौ(पाद्धिक)

समस्या ज्यंकय् ता सरकार गम्भीर जुयो हज्याय् मः धायो दिल ।

ज्या इवःसं वागमती प्रदेशया मुख्यमन्त्री शालिकराम जमकटेलं स्थानीय तहतय् सं ध्वगिङ्गु व ध्वमगिङ्गु बिस्कं मुडः थःथःगु थासय् हे थासय् लाकय् मः धायो दिल ।

अथेहे सहरी विकासमन्त्री सीता गुरुडं फोहर थासय् लाकय् गु जिम्मेवारी इयगु ज्या स्पष्ट मजूगुलिं ज्यासानय् ता पंगः थानय् हःगु खाँ ब्याकसे मेगु देशपाखं सय्कः समस्या ज्यंकय् मः धायो दिल ।

अथेहे यें महानगरपालिकाया प्रमुख प्रशासकीय अधिकृत वसन्त अधिकारी संघीय मामिला मन्त्री अमनलाल मोदी, वागमती प्रदेश सभाया दुजः मधु कुमार श्रेष्ठ, ककनी गा.पा. या अध्यक्ष सुमन तामाड, सहरी विकास मन्त्रालयया आयोजना निर्देशक रबिन्द्र बोहरा, सहरी विकास मन्त्रालयया सचिव, प्रधानमन्त्री कार्यालयया सचिव पिसं नं न्वचु तयो द्यूगु खः ।

निरीक्षण



ख्वप नगरपालिकापाखं चाय्कःगु प्यलाया साँच्याकय् गु (शैलुन) तालिम व्यूथाय् ख्वप नगरपालिकाया प्रमुख सुनिल प्रजापति नपां वडा नं १ या वडाध्यक्ष श्यामकृष्ण खत्री जु ।



अथेहे ख्वप नगरपालिका पाखं चाय्कः तःगु ख्वप अस्पतालय् जमिन तलय, म्हूयो दय्कगु २ लाख ७५ हजार लिटर क्षमताया द्याड्की ढलानया ज्या निरीक्षण यासे ख्वप नगरपालिकाया प्रमुख सुनिल प्रजापति जु ।

शिक्षकपिसं छवनामिपित्ता नैतिकवान व देशभक्त दय्केमः

तैशारख 30 ज्ते शनिबार

संस्थागत विद्यालय संघ नेपाल (इसान) या ग्रवसालय जूगु छवनय्कुथिया शिक्षकपिनिगु कार्यशाला गोष्ठीया मू पाहाँ ख्वप नगरपालिकाया प्रमुख सुनिल प्रजापति जुं छवनामिपित्ता नैतिकवान, इमान्दार व देशभक्त दय्केगु ज्या शिक्षक पिसं याय् मः धायोदिसे छवनय्कुथिया शिक्षा उच्चशिक्षणा जग जुलिं छम्हा छम्हा छवनामिपित्ता देश व समाजया सेवा याय्गु भावनां ग्राकय् मः धायो दिल ।

ख्वपया शिक्षा हज्याकय् ता संस्थागत विद्यालय संघ (इसान)या तहांगु लाहा दःगु खाँ ब्याकसे वयकलं बांबालापुं छवनामिपित्ता

ब्वलाकय् ता शिक्षकपुं नं बांलाय् मः धायो दिल । नपां ई काथं थःता ज्ञान व प्रविधिं काथं जाय् क यंकय् मफूसा थःगु पेसां लाहासिलय् मालिगु खाँ ब्याकः से वयकलं ख्वप नगरपालिकां सामुदायिक व संस्थागत छवनय्कुथिया दथ्वी शैक्षिक गुणस्तरय् धिंधिं बल्लाया भावनां ज्या सांकय् गु कुतः याड च्वडागु खाँ काड, दिसे नगर प्रमुख प्रजापति जुं सामुदायिक छवनय्कुथिं भिंग, बांलागु गुणस्तरीय शिक्षा बिय मफू तलय् संस्थागत छवनय्कुथिया महत्व म्हवँ जुझ्मखु धायो दिल ।

छवनय्कुथि, कलेज, विश्वविद्यालयत ज्ञान काय्गु महत्वपूर्ण



सचिवत हिंगू ख्वप पौ. बःछि पौ(पाक्षिक)

थाय् जुयमः गुलि राजनैतिक भागवण्डां बन्द, हडताल व तालाबन्दीयाइगु मूथाय् काथं हज्याडः च्वंगु खायँ कुंखिडः दिसे वयकल नेप: या कलेज शिक्षाता छवनामिपिसं विश्वास मयागुलिं विदेशय् वाडः च्वंगु खाँ काडः दिल ।

इसानया नायो भाजु प्रेमजन थापाया नायो सुई जूगु उगु ज्या इवः सं महासचिव पुरुषोत्तम ग्वाछां नं न्वचु तयो द्यूगु खः । ज्या इवः सं के. वि. प्रजापति व कृष्णराम त्वानाबासुं प्रस्तुति याडः द्यूगु खः सा तालिम संयोजक कर्ण प्रजापति नं न्वचु तयो द्यूगु खः । उगु ज्या इवः सं गणित, विज्ञान, अंग्रेजी, नेपाली व सामाजिक शिक्षा छवंकिपुं शिक्षक/शिक्षिकापुं (इसानया दुजः छवनयकुथि) छवति कःगु खः ।

तुमचो दुगुरे त्वनयगु नाः इडः बिलः

तैशारख 30 जाते

ख्वप नगरपालिकाया प्रमुख सुनिल प्रजापति जु ख्वप नगरपालिका वडा नं ९ तुमचो दुगुरे चोखा आवास लागाय् छगु ज्या इवः यासे त्वनयगु नाः इडः बियगु ज्या न्ह्याकः दिल ।

ज्या इवः सं वयकले नेप: दे जलस्रोतया तः मिगु देश जुया नं त्वनयगु नाः मरुगु दुःख्या खाँखः धायो दिसे मदयकः मगागु त्वः नयगु नाः नपां मरुगुलिं स्थानीय मनुतय्ता समस्या जुयो च्वंगु खाँ व्याकः दिल ।

निर्वाचन घोषणा-पत्र काथं त्वनयगु नाः या समस्या ज्यन्यता जन-प्रतिनिधिपुं मदिक्क ज्या साडः च्वंगु खाँ व्याकसे मेलम्चीया नाः ख्वपय् वसेलिं थानाया जनतां छुं भाति राहत महसुस यागु खाँ कूल दिल ।

ख्वप देता यचु-पिचुगु, हलिमयया छगु स्वय लाइकगु नगर दय्केगु ज्याखय् नगरपालिका नपां मंकः कुतलय थानाया जनताया मदिक्क याडः च्वंगु ग्वाहालीया खाँ काडः दिसे नाः मः काथं जक छ्यल दिसैँ धायो वडाबासी पिन्ता इनाप नं याडः दिल ।

फोहर थासय् लाकयगु ज्याखय् ख्वप नगरपालिकां याड वयो च्वंगु ज्या कुल दिसे वयकल छुं छुं ध्वगिइगु व ध्वमगिइगु फोहरबिस्कं बिस्कं मुडः व्यूसा नगरपालिकाता फोहर थासय् लाकयता अःपुइगु खाँ काडः दिल ।

अथेहे ख्वप नगरपालिका वडा नं ९ या वडाध्यक्ष नपां तुमचो दुगुरे चोखा आवास क्षेत्र खानेपानी उपभोक्ता समितिया नायोभाजु रबिन्द्र ज्याख्व जु ख्वप नगरपालिका दुनयँ त्वनयगु नाः या नाः छैं हे मरुगुलिं नाः या अभाव जुगु अलय् नगरवासीपिन्ता

यचुगु नाः त्वंक्यन्ता नगरपालिकां थाय् थासय डीप बोरिडः याडः च्वंगु खाँ व्याक दिल ।



वयकलं ख्वपय् मेलम्चीया नाः ह्यता ख्वप नगरपालिकाया विशेष कुतलय पाइप तयगु ज्या जुयो च्वंगु खाँ व्याकसे तुमचोय् थै निसें त्वनयगु नाः इडः बिइगु खाँ धायो दिल ।

ज्या इवः सं नेमकिपा तुमचो दुगुरे पार्टी इन्चार्ज जगन्नाथ प्रजापति, उपभोक्ता समितिया दां भारी छोरी मैयाँ सुजखु, सहछ्याङ्जे बिष्णु राम दुमरु, खानेपानी डिभिजन कार्यालयया वसन्तकुमार विमल, समितिया छ्याङ्जे लक्ष्मी प्रसाद कुसी पिसं नं न्वचुतयो द्यूगु खः ।

ज्या इवः सं मू पाहाँ प्रजापति जु तुमचो दुगुरे त्वनयगु नाः या ट्यांकी दय्केता ग्वाहाली यापुं संघ संस्थाया प्रतिनिधिपिन्ता लयता पौ नपां मतिनाया चिं लः ल्हाडः दिल ।

चामुन्दा बिन्द्रा सैनी नपाया प्रमुख शाही ख्वप नगरपालिकाय्

जेठ २ ज्ञते

ख्वप नगरपालिकाया प्रमुख सुनिल प्रजापति जुं नपां दैलेखया चामुन्दा बिन्द्रासैनी नगरपालिकाया प्रमुख गणेश कुमार शाहीया न्ह्यलुवाय् वगु पुचल मंगलबार ख्वप नगरपालिकाया सभाकक्षसं नपालाडः ख्वप नगरपालिकाया याडः च्वंगु शिक्षा, स्वास्थ्य, विकास निर्माणया लागाय् जुयो च्वंगु ज्या व तेगू नगरपालिकाया दथवी मकाथंया सहकार्य याय् खाँ जुल ।

उगु पुचःता तकातपुली पुइकः खादा क्वखायकः लसकुस यासे प्रमुख प्रजापति जुं ख्वपया भौगोलिक अवस्था, शैक्षिक विशेषता स्वस्थ्य क्षेत्रया उपलब्धी, विकास निर्माणया उपभोक्ता मोडेलया खाँ काडः दिल ।

ख्वप नगरपालिका ने मकिपाया घोषणापत्रया लिधंसाय् संविधानं कल्पनायागु समाजबाद उन्मुख ज्या याडः वयो च्वंगु नपां थःगु तुतिख्य् थः हे दानय् फैगु सुत्र ज्वड हज्याडः च्वंगु खाँ व्याकसे वयकलं देया थी थी स्थानीय तह्या दथवी अनुभव कालविलया ज्या हज्याडः च्वंगु खाँ नपां स्वास्थ्य सं छैं छैं नर्सिङ सेवा, वडा वडाय् स्वास्थ्य केन्द्र, १०० गू शैय्याया ख्वप अस्पताल चाय्कगु नपां धेबा म्वाय्क हि व अक्सिजन इडः बियो वयो च्वंगु खाँ नं काडः दिल ।

चामुन्दा बिन्द्रासैनी नगरप्रमुख गणेश कुमार शाही जुं जनप्रतिनिधिपुं नपालाडः थःथःगु अनुभव काल बिल याडः सय्के दैगुलिं ख्वप नगरपालिकाया याडः च्वंगु शिक्षा व स्वास्थ्यया खायैं थः पिसं नं सय्केगु मति दःगु नपां कलेज चाय्कः विद्यालय व्यवस्थापन

यायूता ख्वप नगरपालिकां दयकगु शिक्षाएनया खाँ न्यडः दिल ।

वयकलं चामुन्दा बिन्द्रासैनी गुगू वडा दःगु व स्थानीय तहदयकः बलय् थुगू नगरपालिकाय् चामुन्दा बिन्द्रा सैनी, जम्बुकाँध व लयौटीबिन्द्रासैनी गा.बि.स. स्वाडः नगरपालिका दयकगु, नगरपालिकां छगू पालिकाय् छगू प्राविधिक विद्यालयया नीति काथं डिप्लोमा तगिंख्य् कृषि विषय ब्वंक वयो च्वंगु मथां हे कृषिख्य् स्नातक, तगिं चाय्केगु कुतः याडः च्वंगु खाँ व्याकः दिल ।



उगु पुचलय् चामुन्दा बिन्द्रासैनीया वडाध्यक्ष, चामुन्दा मा.वि. या प्रतिनिधिपुं भःगु खः ।

नपालाय् धुकः वयकपिन्ता नगरप्रमुख सुनिल प्रजापति म्हेखा झ्यो व नगरपालिकाया पिथनात उपहार काथं लःल्हाडः ब्यूगु जुल । बनलिं वयकपुं ख्वप नगरपालिका पाखं चाय्कः तःगु ख्वप कलेज व ख्वप अस्पतालय् भायो स्वयो दिल ।

बाल अधिकार संरक्षणया पुनर्तज्जगी ज्या इवः

जेठ २ ज्ञते

राष्ट्रिय बाल अधिकार परिषदया गवसालय नपां सहजीकरण व कानून अन्वेषण व सोत विकास केन्द्र (सेलड) या व्यवस्थापनय् मंगलबार जुगु बाल अधिकार संरक्षण व प्रवर्द्धन या पुनर्तज्जगी ज्या इवः सं ख्वप नगरपालिकाया उपप्रमुख रजनी जोशी ख्वप नगरदुनय् बालबालिकाया विषय ज्ञूगु नीति व कार्यक्रम व बजेटया वर्तमान अवस्था व अः वैगु दिनया लागिं बालबालिकाया लागाय् याइगु लगानी व रणनीतिक योजनाया विषयया प्रस्तुतीकरण क्यडिल ।



६५ गू जिल्लाया प्रशिक्षक/प्रशिक्षार्थी ख्वप नगरपालिकाय्

जेठ ४ जाते

सहकारी प्रशिक्षण व अनुसन्धान केन्द्रया प्राचार्य विष्णु पौडेलया न्ह्यलुवाय वपुं प्रतिष्ठानया प्रशिक्षक व प्रशिक्षार्थीपुं मुङ्डः विहिवार ख्वप नगरपालिकाया अध्ययन भ्रमणयासे ख्वप नगर प्रमुख सुनिल प्रजापति जु नपालाडः दिसे सहकारीया लागाय् सम्भावना, चुनौती व समस्याया बारे अनुभव कालबिल नपां छलफल याडः दिल ।

देया थी थी स्थानीय तहं भःपुं प्रतिनिधिपिन्ता लसकुसयासे प्रमुख प्रजापति जु ख्वप नगरपालिका देया दकलय् चिच्याकवगु अलय् जनघनत्व अपलं दःगु नगरपालिका खः धायोदिसे नगरपालिकां शिक्षा, स्वास्थ्य, सम्पदा ल्यंक म्वाकः तय्गु ज्याखय् देयालागि बालागु योगदान याडः च्वंगु खाँ काडः दिल ।

स्थानीय तहता अधिकारं जाय्के मःगु खाँ व्याकसे वयकलं सहकारीता जनतां मयक हयो च्वंगु इलय् सहकारीता नियन्त्रण याय्ता नीतिगत लापूँ ज्वडः हज्याय्मः धायोदिसे संविधानं संघ प्रदेश व स्थानीय तह याडः स्वंगु तह्या सरकार स्वीकारे याडः च्वंगु अवस्थाय् जिल्ला समन्वय समिति मःलाकि म्वं धाय्गु खाँ प्याहाँ वइगुलिं जिल्ला समन्वय समिति खारेज याय्गु हे देया लागिं भिं जुझ्गु खाँ व्याकः दिल ।

ख्वप नगरपालिका दुनय् चायकः तःगु सहकारी संस्था तय्सं थानाया सामाजिक, स्वास्थ्य, शैक्षिक विकास, सम्पदा ल्यंकः म्वाकः तय्गु नपां विकास निर्माणया ज्याखय् ग्वाहाली याडः च्वंगु खाँ कुलः दिसे आर्थिक अनुशासन व पारदर्शिता सहकारीत लिपाथ्यं ल्यडः च्वनिगु खाँ व्याकः दिल ।

ख्वप नगर दुनय चाय्कः तःगु सहकारी संस्थातय्ता सहकारी सिद्धान्त काथं चाय्केता नगरपालिकां इलय व्यलय अनुगमन या यां वयो च्वंगु खाँ व्याकसे वयकलं अनुगमनया इलय छुं मचः मगासा सुभावत बियो व काथं छ्यय्केगु कुतः नगरपालिकां याडः च्वंगु खाँ व्याकः दिल ।

ख्वप नगर दुनय चाय्कः तःगु सहकारी संस्थातय्ता सहकारी सिद्धान्त काथं चाय्केता नगरपालिकां इलय व्यलय अनुगमन या यां वयो च्वंगु खाँ व्याकसे वयकलं अनुगमनया इलय छुं मचः मगासा सुभावत बियो व काथं छ्यय्केगु कुतः नगरपालिकां याडः च्वंगु खाँ व्याकः दिल ।

प्रशिक्षार्थीपिनिगु न्ह्यसः या लिसः बियो दिसे वयकलं धितो मकः से ऋण बिलः धःसा अपलं सहकारी संस्थात समस्याय् लाडः च्वंगु खाँ व्याकसे सहकारी सम्बन्धी लेखा व कोपोमिस तालिम न्ह्याकसेलिं व्यवस्थापनय् अपलं ग्वाहाली जुगु खाँ व्याक दिल ।



ज्या इवः सं सहकारी प्रशिक्षण व अनुसन्धान केन्द्र्या प्राचार्य विष्णु पौडेलं सहकारी प्रशिक्षण व अनुसन्धान केन्द्र, सहकारी सम्बन्धी अनुसन्धानमूलक ज्या इवः त पाखं देश्य् सहकारी आन्दोलनता हज्याकय्गु तातुडः न्ह्याकगु नियमनकारी संस्था खः धायोदिसे ख्वप नगरपालिकां सहकारी सम्बन्धी कार्ययोजना दय्कः अनुगमन यायां वयो च्वंगु ज्या च्वछाय् वहःज्गु खाँ व्याकसे वयकलं ख्वप नगरपालिकाया असल अभ्यास देया मे मेगु स्थानीय तहलं सय्के फैगु यक्व पक्ष दः धायो दिल ।

सहभागीपुं मध्य चन्द्रपुर नगरपालिका, रौतहट्या शेख नसरे आलमं ख्वपय् संघीयताया बालागु ज्या जूगु खाँ व्याकसे सहकारीकःमिपिसं सहकारीपाखं देश दय्केगु नपां समाज च्व जाय् केता व हछ्याय्ता थः थः गु थासं फयाथें ग्वाहाली याय् मः धायोदिल ।

ज्या इवः सं सहभागी प्रशिक्षार्थीपिसं सहकारी शाखाया बजेट व ज्या इवः, कोपोमिस तालिमया सान्दर्भिकता, सहकारी अनुगमनया इवलय खानय् दःगु समस्यात, सहकारी शाखाया सूचना प्रविधि व छ्यला, स्वीकृति मकः से चाय्कः तःगु सहकारीया अवस्था, अनुगमन समिति निःस्वानय्गु ज्या इवः, संकटग्रस्त सहकारीया सम्पति रोक्का लिपा वचतकर्ता पिनिगु धेबा लिता वियगुलि ख्वप नगरपालिकां याडः च्वंगु ज्याया बारय् न्ह्यसः तयो दिल ।

उगु ज्या इवः सं सहकारी समितिया हरिरत्न गोर्खाली व नारायण प्रसाद त्वानावासुं नं न्वचु तयो द्यूगु खः। अध्ययन अवलोकन भ्रमणय् देशां देछिया ६५गु स्थानीय तह्या प्रतिनिधिपुं भःगु जुल । प्रमुख प्रजापति जु उगु पुचःता नगरपालिकाया पिथनात उपहारकाथं लः ल्हाडु व्यूगु खः सा ख्वप नगरपालिकाया निमित्त प्रमुख प्रशासकीय अधिकृत राम गोबिन्द श्रेष्ठं खादा क्वखाय् क लसकुस याडः द्यूगु खः।

ख्वप नगरपालिकाय् जूगु अनुभव हिलाबुला ज्या इवः लिपा उगु पुचलं ख्वपया लायकु, तः मारी, दत्तात्रय, ख्वप नगरपालिका पाखं चाय्कः तःगु ख्वप कलेज, ख्वप इञ्जिनियरिङ कलेज व ख्वप अस्पतालय भायो स्वयो द्यूगु खः।

प्रमुख प्रजापति व पूर्व मन्त्री भडेल नपालात

जेठ ५ गते



ख्वप नगरपालिकाया प्रमुख सुनिल प्रजापति जु नपां पूर्व भौतिक पूर्वधार व विकास मन्त्री कृष्णालाल भडेल नपालाड़ देकोचा चाङु सडक तः ब्याक दयकेगु खायँ छलफल याड़ दिल । नपालाय्गु इवलय चाँगु नारायण नगरपालिकाया प्रमुख जीवन खत्री, ख्वप नगरपालिका वडा नं २ या वडाध्यक्ष हरिप्रसाद वासुकला, चा.न.पा वडा नं ४ या वडाध्यक्ष रोजबहादुर तामाड़ नं झःगु जुल ।

ख्वप अस्पतालय शल्यक्रिया याड़ न्हपांगु प्रसुती सेवा

जेठ ८ गते



ख्वप नगरपालिकापाखं चाय्कः तःगु ख्वप अस्पतालया प्रसुती सेवा सं ३८ दा दःम्हा छम्हा मिसां थौं निन्यसिया १२:४० ता इल्य् ३:१८

सचिव हिंगूगु ख्वप पौ. बःछि पौ(पाक्षिक) प्रमुख प्रजापति जु नपां पूर्वमन्त्री पौडेल नपालाड़ः दिल



जेठ ५ गते

ख्वप नगरपालिकाया प्रमुख सुनिल प्रजापति जु नपां पूर्व शिक्षा मन्त्री माधव पौडेल ख्वप नगरपालिकाया सभाकक्षसं नपालाड़ः दिसे नगरपालिकां चाय्कः तःगु च्यागू कलेजया शैक्षिक ज्या इवः त व ख्वप विश्व विद्यालय चाय्केगु खायँ छलफल याड़ दिल ।

ख्वप अस्पतालय शल्यक्रिया याड़ न्हपांगु प्रसुती सेवा

केजिया स्वस्थम्हा काय्मचा बुइकगु ख्वप अस्पताल स्रोतं धःगु दः । ख्वप अस्पतालं थ्व दकलय न्हःपां अपरेशन याड़ मचा बुइकगु खः ।

विहिवार ख्वप नगरपालिका वडा नं ७ गोमारीया छम्हा मिसाया शल्यक्रियायाड़ प्रसुती सेवा वियागु ख्वप अस्पतालय निमित्त मेडिकल डाइरेक्टर मजेश प्रताप मल्लं धायोदृगू खः । नपां थुगु सेवा चायकसेलिं अपलं मचा बुइकिपुं मिसात मेथाय् वानय् म्वालिगुलिं अमिता फाइदा जुझागु खाँ व्याकसे थुकिता अभः सुविधाताड़ यंकेगु खाँ नं ब्याक दिल ।

उगू पुचः सं डा.-युजिन श्रेष्ठ, डा. कृष्ण प्यारी दुगुजुया मंकः स्वास्थ्य कः मि पुचलं शल्यक्रिया यागु खः सा शल्यक्रिया सं एनेस्थोसियोलोजिस्ट डा. सन्देश ख्वान्जु, वालरोग विशेषज्ञ डा. विजय चिकंबञ्जार । स्टाफनर्सपुं रबिना कवां, गीता सुवाल, सोनी जोशी व रिचा कोजु नपांया स्वास्थ्य कः मिपुं व चिकित्सक पुचलं उगु अपरेशनया ज्या तःलाक यागु जुल ।

ख्वप अस्पताल चाय्कगु नेदा क्यांगु लसताय अस्पताल २०८० वैशाख १७ गते निसें प्रसुती सेवा न्ह्याकगु खः । ख्वप अस्पतालं थुगु ई दुनयँ १४ गू मेजर सर्जरी व ४१ गू माइनर (सर्जरी) याय् धुगु धःगु दः ।

सचिवत हिंगू ख्वप पौ. बःछि पौ(पाक्षिक)

ख्वप नगरपालिकाया, जनप्रतिनिधिपुं ज्यासांगु दाच्छि फुगु जुलः

जेठ ६ गते

२०७९ सालया स्थानीय तहया निर्वाचनलिपा ख्वप नगरपालिकाय् जनप्रतिनिधिपिसं ज्या यागु दाच्छि फुगुया लसताय ख्वप नगरपालिकां छागु ज्या इवः न्ह्याकल ।



ज्या इवः या उलेज्या यासे नेपाल मजदुर मजदुर किसान पार्टीया नायो भाजु नपां वरिष्ठ राजनीतिज्ञ नारायणमान बिजुक्छु (रोहित) जुं देश व जनताया इमानदार जुयो सेवा याय्यु हे राजनीतिया मू तातुना जुयमःगु खाँ ब्याकसे ख्वप नगरपालिकाया जन प्रतिनिधिपुं व कर्मचारीपुं चां न्हिमधःसे दमकल व एम्बुलेन्स थें ज्यासन्यः मःगु खाँ ब्याकसे नगरपालिकाया कर्मचारीपिसं थःपु सेवाग्राहीपिन्ता बालाक व्यवहार याडः बोलीवचन बालाय् मः गु, कार्यालयया इलय् थःगु व्यक्तिगत ज्यायाता हदाय्यमतःसे कर्तव्य पालन याय्मः धायोदिल ।

कर्मचारी पिसं १०:०० ताइलय निसं ५:०० ता इलय तक जक ज्या सानय्यु मतिं मखुसें जनताया सेवककाथं थः ता छ्यलय्मः व्यक्तिकल धायो दिल ।

ख्वप नगरपालिकां चाय्कः तःगु साफूकुथिता बालाकय्गु नपां नपां नगरपालिकां नगरया वडा वडाय् च्वंगु साफूकुथितनं बालाक यंकय् मःगु अलय ख्वप दे विशिष्ट पाहाँ पिसं नं चाहिलिगु थाय् नपां राजधानी जुगुलिं थुगु सहरता न्ह्याब्लें यचु, पिचुकः, सुचुकुचु याडः तय्मः धायोदिल ।

नक्कली भुटानी शरणार्थी प्रकरणय् राजनीतिक दलया च्वय् च्वय्या मनू तः नं थ्यागु धाय्यु देशया लागिं दुर्भाग्यया खाँ खः धायो दिसे व्यक्तिकल थव देशद्रोही ज्या खः थजपु देशद्रोही पिन्ता कडा कडागु सजाय बियमः, जनताया हनयः अमिगु आन्द्राभवरी ल्हवयो क्यनयः मः धायो दिलसा राजनीतिक कार्यकर्तापिसं सुयाय्गु द्वाबय व छ्वासाखय् ज्या सांसा देश दुर्घटनाय् लाइगु खाँ ब्याकसे व्यक्तिकल

विदेशी शक्तिया हःनय कपः क्व छुइपु शासकपिनिगु बानी याडः हे नेपः दे साम्राज्यवादीपिनिगु जालय् लालां वाडः च्वंगु खाँ काडः दिला विदेशय् च्वंपु नेपाली नागरिकपिन्ता भोत वियगु अधिकारं देशता भिंमयाइगु खाँ नं व्यक्तिकल काडः दिल ।

ज्या इवः या सभाया नायो नपां ख्वप नगरपालिकाया प्रमुख सुनिल प्रजापति जुं ख्वप नगरपालिकां दाच्छिया दुनय यागु ज्याया प्रतिवदेन पिढवसे थीथी पंगःत वःसां नं निर्वाचनया इलय जनताता घोषणापत्र पाख बियागु वचं पूवाक्यता ख्वप नगरपालिकां न्ह्याब्लें ज्या हछ्याड न्ह्याकः च्वंगु खाँ ब्याक दिल ।

व्यक्तिकल नेपालय् संघीयता छ्यलय् धुंकः संविधान व कानुनं ब्यूगु अधिकार छ्यलः मः काथंया ऐन, नियम, विनियम व कार्यविधि दय्कः अपलं जनताता भिं जुइगु ज्या याडः व्योच्वंगु खाँ ब्याक दिल ।

ख्वप देया जनतां यागु मेहनत, परिश्रम व योगदानता जिल्ला-जिल्लाया जनतां दुग्यंकः स्वयो च्वंगु खाँ ब्याकसे व्यक्तिकल ख्वप नगरपालिकां संघीयताया मर्म वा भावना काथं मदिक्क जनताया सेवासं समाजवाद उन्मुख ज्या याडः व्योच्वंगु खाँ काडः दिल ।

ज्या इवः या विशिष्ट पाहाँ वागमती प्रदेशसभाया दुजः सुरेन्द्रराज गोसाई जुं ख्वप देया जनताया छपा छधिजुयो हज्याडः ग्राहाली याडः च्वंगु नपां पुनः जागरण हे थानाया तिसा काथं हज्याडः च्वंगु खाँ काडः दिल ।

ख्वप दे थःगु, पहः ल्यंक म्वाकः तयफःगु हलिमयया छागु तस्कं बालागू ल्वः वाडा पुसे च्वंगु सहर काथं हज्याडः च्वंगु खाँ ब्याकसे व्यक्तिकल थानाया शैक्षिक अभियाननं तस्कं डालकाय् बहगु खाँ कुलः दिसे दृश्य प्रदुषण मजुइकः यंकय् फः सा ख्वप दे अभनं बालाइगु खाँ नपां समाजवादी व्यवस्था काथं ज्या सां सां अपलं जनताया भिं याडः च्वंगु खाँ नं ब्याकः दिल ।

ख्वप नगरपालिकाया उपप्रमुख रजनी जोशी ख्वप नगरपालिकां समाजवाद उन्मुख ज्यायाता बः ब्यू ब्यू ख्वप देता ज्ञान-विज्ञानया मू थाय् दय्केगु तातुडः शिक्षा, स्वास्थ्य, पर्यटन, सम्पदा ल्यंकः म्वाक तय्गु, सुचुकुचुया लागाता हदाय तयो ज्यासाडः च्वंगु खाँ कुल दिसे ख्वपया नगरबासी जनतायगु साथ व ग्राहाली ख्वप देश थौं या इलय् थ्यंकय् फःगु खाँ ब्याकसे २१ गू सदिंया विकसित व सुसंस्कृत समाज निः स्वानय्ता मदिक्क ज्या साडः च्वंगु खाँ नं ब्याक दिल ।

ख्वप जिल्लाया प्र.जि.अ. खगेन्द्र प्रसाद रिजालन्यकागु

कार्यकालया न्हापांगु दां तःलाक छ्यलय् फःगुलिं लसः हांसे ल्यं दः
गु कार्यकाल नं ब्वस्यलाक छ्यलिगु विश्वास प्वकः दिल ।

स्थानीय सरकार जनताया दकलय हः नय्या सरकार खः
धायोदिसे थानासं दःगु स्रोत व साधनता फछिं फक्व अपः छ्यलः
जनताता भिं जुइगु काथं हज्यायमःगु खाँ काडः दिल ।

कानून अध्ययन समाज नेपालया नायो भाजु रामप्रसाद
प्रजापति ख्वप नगरपालिका स्थानीय सरकारया नमुना स्थानीय तह
काथं हज्याडः च्वंगु खाँ व्याकसे ख्वप देया थौं या विकास नेमकिपाया
ज्वः मरुगु योगदान दः गु खाँ कुलदिसे नक्कली भुटानी शरणार्थी
प्रकरणय् पूर्व गृहमन्त्री नपां दुथ्यागु पुँजीवादी व्यवस्थाया विकृति खः
धायोदिसे ख्वप विश्वविद्यालयया कानून फछिंफक्व मथां पारित
यायमः धायोदिल ।

कानून विषय तस्कं महत्वपूर्ण विषय खः धायोदिसे व्यक्तिलं
ख्वप नगरपालिका पाखं चाय्कगु ‘ख्वप कलेज अफ ल’ सं नीन्हय्गु
जिल्लाया खुइम्हा ब्वनामिपुं कानून विषय ब्वडः च्वंगु गौरवया खाँ
खः धायोदिल ।

ख्वप इञ्जिनियरिडः कलेजया प्राचार्य सुजन माकं कलेज

ई लाइब्रेरी चाय्कल

ख्वप नगरपालिकाय् जनप्रतिनिधिपिसं ज्या सांगू दाच्छ फूगुया
लसताय थौं ख्वप नगरपालिकां जनज्योति साफुकुथि ई लाइब्रेरी नं
न्ह्याकगु जुल ।



नेपाल मजदुर किसान पार्टीया छ्याङ्जे नपां संघीय सांसद
प्रेम सुवाल जुं कम्प्यूटरया माउस किलक्याडः ई लाइब्रेरी न्ह्याकगु
ज्या इवः सं २१ गु सदिया डिजिटल युग्य सूचना व प्रविधि नपां सुं
हे छख्यलिडः च्वनय् मफैगु खाँ व्याकसे अनलाइन माध्यमं अनुसन्धान
याइपिन्ता अपुकः अध्ययनया घःचा तः चाक जुयोवांगु खाँ व्याक
दिल ।

सचिवत हिंगु ख्वप पौ. बःछि पौ(पाद्धिक)

पलिस्था यासानिसें अः तकख्य ख्वप नगरया १, द५५ म्हा ब्वनामिपिसं
थी थी इञ्जिनियरिड विषय ब्वनय् खांगु खाँ कुल दिसे ख्वप देता
ज्ञान विज्ञानया मू थाय् दय्केगु तातुडः निःस्वांगु ख्वप इञ्जिनियरिड
कलेजय् ७७ गू जिल्लाया ब्वनामिपुं ब्वडः च्वंगु नपां नेपः या च्वजः
गु कलेज काथं हज्याडः च्वंगु दः धायो दिल ।

ख्वप अस्पतालया निमित्त मेडिकल डाइरेक्टर मजेश प्रताप
मल्लं वांगुलाया दुनय् ख्वप अस्पतालं १ लाख व ७९ द्व ल्वगि पिन्ता
स्वास्थ्य सेवा वियधुंगु न्या पिब्बसे अस्पतालं मचा बुइकिगु प्रसुती
सेवा नं न्ह्याकय् धुंगु खाँ व्याकः दिल ।

जनस्वास्थ्य सेवा केन्द्र जुजुं अः १०० गू शैष्याया ख्वप
अस्पताल चाय्के फःगु ख्वप नगरपालिकाया तहांगु उपलब्धी खः
धायो दिसे व्यक्तिलं निं ७५० म्हा ल्वगिपिन्ता स्वास्थ्यसेवा बियो वयो
च्वंगु खाँ काडः दिल ।

उगु ज्या इवः सं ख्वप नगरपालिकाया निमित्त प्रमुख
प्रशासकीय अधिकृत राम गोबिन्द श्रेष्ठं सुभाय् देछायो द्यूगु खः सा
ख्वप नगरपालिका वडा नं. ९ या वडाध्यक्ष रविन्द्र ज्याख्व नं न्वचु
तयो द्यूगु खः ।

अनलाइन सञ्चार माध्यमय तयोतःगु तथ्य तथ्यांडक
न्ह्याब्लैं सत्य मज्य फः धायोदिसे व्यक्तिलं उकिता आलोचनात्मक
मिखालं व्याख्या याडः जनताता खः खःगु सूचं वियगु भी फुक्कसिया
कर्तव्य खः धायोदिल ।

थौं कन्हेया समसामायिक विषय सं न्वचु तयो दिसे नेपाल
मजदुर किसान पार्टी भुटानी शरणार्थी पिन्ता भुटानय् हे लिता
छ्ययमःगुलि बःयाडः च्वंगु खाँ कुल दिले सांसद सुवालं नेपाली
नागरिक पिन्ता नक्कली भुटानी शरणार्थी यागु ज्याया दोषी पिन्ता
दकलय् च्वयया अपसय् अपः सजाय वियमःगु खाँ तयोदिल । रुसं
युक्तेनय् युद्धयागु मखुगु तर्कता शासक दलं समर्थन यागु भारतीय
विस्तारवाद व अमेरिकी साम्राज्यवाद हःनय् कपः व्यव्युगु नीतिकाथं
जूगु खः धायोदिल ।

ख्वप नगरपालिकाया प्रमुख सुनिल प्रजापति जुं न्हुँगु
पुस्ताता ब्वनय मः धाय्यु भावना ब्वलांक्यता जनज्योति साफू
कुथिता हज्याडः यंकय्गु इवलय् ईलाइब्रेरी न्ह्याकगु नं खाँ
काडः दिल ।

व्यक्तिलं जिल्ला-जिल्लाय् अपलं साफूकुथित तिय मालिगु
अवस्थाय् थ्यडः च्वंबलय् ख्वप नगरपालिकां जनज्योति पुस्तकालयता
अभ्य सुविधां जःगु व व्यवस्थित याडः हःसेलिं ब्वनिपुं पाठकत ल्य्
तःगु नपां ई लाइब्रेरी नं न्ह्याकसेलिं खोज व अनुसन्धान याइपिन्ता

सचिवत हिंगूगु ख्वप पौ. बःस्थि पौ(पाक्षिक)

थुकिं अपलं गवाहालि जुइगु खाँ ब्याकसे वयकलं ख्वप नगरपालिकां माथांवांक विकास याय्‌गु काथं ज्यासाडः वयो च्वंगु संघीयता छ्यःगु खुदा फूय धुडा नं नेपालय संघीयताया भावना व ममकाथं ज्या सानय् मफुगु अलय् ख्वप नगरपालिकां संघीयताया बांलागु अभ्यास याडः च्वंगु खाँ व्याकः दिल ।

वागमती प्रदेश सभाया दुजः सृजना सैंजु साफू ब्वनय्‌गुलिं सभ्य व सुसंस्कृत समाज द्यकेगुलि बांलागु ज्यायाइगु खाँ व्याकसे ई लाइब्रेरी न्याकसेलिं अध्ययन अनुसन्धान व च्वय् थ्यंक्या शिक्षा ब्वनामिपित्ता नेपाली व अन्तर्राष्ट्रिय ब्वनामिपित्ता बांलागु गवाहाली जुइगु खाँ व्याकः दिल ।

ज्ञान काय्‌गुलि हे पंगः थानिगु ज्या नेपालय् अजनं ल्यं दःनि धायोदिसे वयकलं ख्वप विश्वविद्यालय स्वीकृति वियगुलि लिफिलिफि

इलामया रोडः गा.पा. या अध्यक्ष स्याङ्गबो ख्वप नगरपालिकाय्

जेठ ७ गते

ख्वप नगरपालिकाया प्रमुख सुनिल प्रजापति जुं नपां कोशी प्रदेशया इलाम रोडः गाउँपालिकाया अध्यक्ष मणिकुमार स्याङ्गबो ख्वप नगरपालिकाय् भायो नपालः भबलय् वयकता प्रमुख प्रजापति जुं लसकुस याडः दिसे ख्वप नगरपालिकां चाय्कः तःगु च्यागु कलेजया शैक्षिक विशेषता नपां ख्वप अस्पताल चाय्कः थानाया नागरिकपित्ता स्तरीय स्वास्थ्य सेवा बियो वयो च्वंगु ख्वप नगरया थःगु हे मौलिक पहः ल्यंक तय्‌गु नपां थजगु बिषय ख्वप इञ्जिनियरिडः कलेजया ब्वनामिपित्ता स्पडः ब्वंकः मेथाय् स्वयो बिस्कं पहलं ब्वंकः वयो च्वंगु खाँ ब्याक दिल ।

रोडः गाउँपालिकां थः पु नागरिकपित्तिगु सुविधाया लागिं कलेज चाय्कगु तस्कं लसकुस यय लाइकगु खाँ खः धायोदिसे उगु गा. पा. ता मःगु गवाहाली यासे समन्वय याय्ता तयार दः वयकलं धायोदिल ।

अथेहे रोडः गा. पा. या अध्यक्ष स्याङ्गबो जू प्यांगु गा.वि.स. छगू याड द्यकगु रोडः गा.पा.सं खुगू बडा दःगु, कृषि, धार्मिक व पर्यटकीय ल्याखं नां जःगु रोडः गा.पा.सं पाथीभरा देगः प्यांगोडा



याडः च्वंगु सरकारया चिच्यामन नपां पूर्वाग्रही सोच खः धायो दिल ।

ख्वप नगरपालिकाया उप-प्रमुख रजनी जोशी २१ गू सदिसं सूचना व प्रविधिख्य हज्याय् मःगु खाँ ब्याकसे ख्वप देता ज्ञान विज्ञानया केन्द्र द्यकेता थजगु ज्याखं छावासा विइगु खाँ ब्याकसे ई लाइब्रेरी चाय्कसेली विज्ञान सम्मत समाज द्यकेता बांलागु गवाहाली याइगु खाँ व्याकः दिल ।

ज्या इवः सं जनज्योति पुस्तकालयया शाखाप्रमुख भूपाल मुल जुं पुस्तकालयया इतिहास व महत्वया खाँ स्पष्ट यासे इलं फ्वयें जनज्योति पुस्तकालय ई लाइब्रेरी हछ्यागु खः धायोदिल ।

ज्या इवः सं ख्वप नगरपालिका बडा नं. ९ या बडाध्यक्ष रविन्द्र ज्याखव नं न्वचु तयो द्यूगु खः ।



शैली ल्हवनय् कानय् याय्गु खाँ खः ज्यूगुलिं उकी ख्वप नगरपालिकां प्राविधिक गवाहाली याडः बिया दकः धायो दिल ।

ख्वपया देगः या शैली हे पाथीभरा द्यकेगु मति दःगु अलय् रोडः गा.पा. कलेज नं चाय्केगु तातुना दःगुलिं थुगु ज्याख्य नं ख्वप मोडेलया खाँ काल बिल याय्गु मति ख्वपय् व्यागु खाँ ब्याकसे ख्वप नगरपालिका पाखं थःता तस्कं बांलागु लिच्चवः लागू नपां शिक्षा, सम्पदा ल्हवनय् कानय्, सुचुकुचु नपांया न्ह्यसः तयो दिल ।

नगर प्रमुख प्रजापति जुं गा.पा. अध्यक्ष स्याङ्गबो जू याता नगरपालिकाया पिथनात उपहार काथं लःल्हाडः दिल ।

निरिक्षण

ख्वप नगरपालिकाया प्रमुख सुनिल प्रजापति जुं ख्वपया सुर्यविनायक नगरपालिका बडा नं ५ चुनदेवी च्वंगु दाजुभाई फर्निचर कारखानाय् मिं न्वगुलि कारखानाया पीडित परिवार पित्ता सहानुभूति प्वंकसे उगु मिन्वगु थासय् जेठ १ गते भायो स्वयोदिल । उकिं थ्यं मथयं २ करोड्या सामान मिन्वगु छूँ थुव श्याम चौगुठी धायो दिल । गथे मिं न्वला धाय्गु अझ नं सीय मरुनि ।

थीथी स्थानीय तहया उप-प्रमुख व उपाध्यक्षपुं खप नगरपालिकाय्

जेठ ८ गते

थी थी स्थानीय तहया उप-प्रमुख व उपाध्यक्षपिनिगु छगू पुचलं सोमवार खप नगरपालिकाय् भायो खप नगरपालिकाया प्रमुख सुनिल प्रजापति जुं नपालाडः नगरपालिकां याडः चवंगु थीथी ज्या इवः या खाँत कालबिल याडः दिल ।



उगु पुचः ता लसकुस याडः दिसे नगर प्रमुख प्रजापति जुं खप देता ज्ञान विज्ञानया मू थाय् पर्यटकया गन्तव्यस्थल, व सांस्कृतिक नगर क्वः छिक्यगु योजना ज्वडः : खप नगरपालिका हज्याडः चवंगु खाँ ब्याकसे संविधान व कानुन भ्यूगु अधिकार दुनय चवडः नीति निर्माण यायां अपलं जनताया भिं जुइगु काथं शिक्षा, स्वास्थ्य थजगु विषय म्हवचा ध्यबां भिंकः बालाकः शिक्षा ब्यू ब्यूं समाजवाद उन्मुख ज्या याडः वयो चवंगु खाँ ब्याक दिल ।

वयकलं पारदर्शिता व इमान्दारितां है जनताया विश्वास त्याक्यगु मू लिधंसा खः धायोदिसे उपभोक्ता समिति पाखं ज्या सानय् बलय् थःगु थाय्या मौलिक सीप व प्रविधि छ्यलय् दैगु ज्या दैगु, भिंकः बल्लाकः ज्या जुइगुलि खप नगरपालिकां उपभोक्ता मोडेलता है बः बियो वयो चवंगु खाँ काडः दिल ।

प्रमुख प्रशासकीय अधिकृत शर्मा लसकुस

खप नगरपालिकामा प्रमुख सुनिल प्रजापतिजुं खप नगरपालिकाय् सरुवा जुयो भःम्हा प्रमुख प्रशासकीय अधिकृत विजय कुमार शर्मा जु याता जेठ ८ गते खादा क्वखाय्कः तकातपुली पुइकः लसकुस याडः दिल ।

उगु ज्या इवः सं सांस्कृतिक व ऐतिहासिक महत्व कः घाड चवंगु भ्रष्टाचारविरोधी आन्दोलनया थाय् काथं म्हासिइका पिब्बयो वयो चवंगु खप देयां थुगु नगरपालिकां स्थानीय तहं वियफ क्वः अपलं अपः सुविधात जनताता ब्यू ब्यूं वयो चवंगु खाँ ब्याकसे वयकलं न्हपांगु कार्यकालय् ४८ गू ऐन-नियम दयकगु व थुगुसी च्यागू न्हूगु कानुन दयकः जनताया भिं ज्याता हदाय् तयो ज्या सांसां जनप्रतिनिधिपुं व कर्मचारीपुं छप्पा छधि जुयो हज्याडः चवडागु खाँ ब्याकः दिल ।

खप देया जनप्रतिनिधि व कर्मचारीपिसं इमानदार जुयो पारदर्शी काथं जनताया सेवक जुयो ज्या साडः वयागु खाँ न वयकलं

खप नगरपालिकाया उपमेयर रजनी जोशी अः खप नगरपालिका थी थी स्थानीय तहया यिनिगु अध्ययन भ्रमण याय्गु थाय् काथं हज्याडः चवंगु खाँ व्याकसे जनप्रतिनिधिपिनिगु थवं थवय् अनुभव काल बिल याय्गु थाय् जुयो वसेलीं थः पिन्ता हौसला दःगु खाँ काडः दिल ।

थवहे इवलय चौतारा साँगाचोक गढीया उपप्रमुख सीता थापां हलिमयया ध्यान खप देशय् लाडः चवंगु खाँ कुल दिसे खपदे या जनतानपांया सामिप्यता व जनताया एकताहे थानाया तः लागुया सूत्र खः धायोदिल ।

लिसंखुपाखर गाउँपालिकाया उपाध्यक्ष मिठ्ठेवी लामां खपया जनप्रतिनिधिपुं जनताया सेवक काथं ज्यासाडः चवंगु चवछाय बहजुगु खाँकाडः दिसे देया दक्षलय् चिच्याहाङु नगरपालिका जूसां देया ब्वस्यलागु नगरपालिका काथं ज्या साडः चवंगु दः धायो दिल ।

वागमती प्रदेश सुशासन केन्द्रया न्वकु विनोद विदारी जुं विकास निर्माणया ज्याखय् उपभोक्ता समितिता पारदर्शी याय् फःसा दे मथां हज्याइगु खाँ काडः दिल । उगु पुचलय महालक्ष्मी नपाया उपप्रमुख लक्ष्मी महर्जन, भोटेकोशी गाउँपालिकाया उपाध्यक्ष दिल्ले शेर्पा, महांकाल गा.पा. या उपाध्यक्ष डोल्मा माया गोले, लिसंखु पाखर गा. पा. या उपाध्यक्ष मिठ्ठेवी लामा, हेलम्बु गा.पा. या उपाध्यक्ष असरा लम्साल लमिछाने, पाँचपोखरी थाडपाल गा.पा.या उपाध्यक्ष सुनिता अधिकारी, चौतारा साँगा चोकगढी नपाया उपाध्यक्ष सीता थापा व जुगल गाउँपालिका वडाध्यक्ष रबिन्द्र घिमिरे, नपां प्रशासनिक कार्मचारीपुं भःगु जुल । नगरप्रमुख प्रजापति जुं भःपु सकलसिता नगरपालिकाया पिथनात उपहार काथं लःल्हाडः दिल ।



धायो दिल ।

ज्या इवः सं न्हम्हा प्रमुख प्रशासकीय अधिकृत शर्मा जुं खप देशय् ज्या सानय् दगुलि गौरव तायागु खाँब्याकसे खपया शान अजनं च्वजाय्केता कुतः याय् धायोदिल ।

ज्या इवः सं वडाध्यक्षपुं उकेश कवां (७), रबिन्द्र ज्याखव (९), प्रशासकीय अधिकृत दामोदर सुवालं नं न्वचु तयो दृगु खः ।

सचिवत हिंगूगु ख्वप पौ. बःछि पौ(पाक्षिक)

सः कुलांया ऐतिहासिक पालिफःफल्चा निःस्वान

जेठ ८ गते

ख्वप नगरपालिकाया प्रमुख सुनिल प्रजापति जुं ख्वप नगरपालिका वडा नं ९ या सः कुलान्या ऐतिहासिक पालिफःफल्चा निःस्वाडः दिल । मुक्कं ३९ लाख ५० द्व व न्हयस व गुइगुर्काया लागतय् दय्केतांगु उगु फल्चा पुलांगु नगरया छां जक पालिफः फल्चा खः धायोदिल ।



प्रमुख प्रजापति जुं सम्पदा जनताया तिसा खः नपां संसारया जनताया मंकः सम्पति खः धायो दिसे सम्पदाया महत्व मथुलकिं द्योयाता ल्वहँ दक म्हेतिगु, हायेपुक म्हितय्गु न्हयबः थें ताय्किगु अलय् थुकिया महत्व थुयानिं सम्पदा ल्यंकः म्वाकः तय्गुलि हज्याडः च्वंगु खाँ व्याकः दिल । ख्वपय सम्पदा ल्यंकः म्वाकः तय्गु व मेमेगु विकास निर्माणया ज्याखय् स्थानीय जनताया सहभागीताय् उपभोक्ता समिति दय्कः म्हवचा धेबां बल्लाक, भिंकः थःगु हे पहः या मौलिक पहःया संरचना दयकगु व अजगु सम्पदा ल्यंकः म्वाकः तय्गु ज्या नपां स्थानीय जनतापाखं याडः च्वंगु खाँ व्याकसे देया थी थी थाय्या जनप्रतिनिधिपिसं

कृहत पोषण विशेष ज्या इवः क्वचाल

ख्वप नगरपालिका पाखं न्हयाकगु बृहत पोषण सम्बन्धी आधारभूत क्षमता अभिवृद्धि तालिमया सहभागी चिकित्सक, नर्स व स्वास्थ्य कःमि पिन्ता ख्वप नगरपालिकाया प्रमुख सुनिल प्रजापति जुं जेठ ७ गते लय्ता पौ लः ल्हाडः दिल ।

वयकलं बालबालिकापिनिगु स्वास्थ्य, जीवन रक्षा व विकास यालागि पोषण बालागु ग्वाहाली याइगुलि बालागु षोषण नयो हुर्क्यजूपुं मचात बालाडः सय्कः सिइकः समुदायता ग्वाहाली याय्फैगु खाँ काडः दिल ।

मचा तय्ता कुपोषण (अरि) खं मथिङ्कः तय्ता पोषण सम्बन्धी तालिम बियमःगु, चिकित्सक व स्वास्थ्यकःमिपिसं तालिमं सय्कागु ज्ञानं समुदायया मचात कुपोषण मजुइकेता मः काथं ग्वाहाली याय्मः धायो दिल ।

ख्वपया जनताया ज्या बाला धायो च्वंगु खाँ व्याकः दिल ।

बडा नं. ९ या बडाध्यक्ष रबिन्द्र ज्याख्व जुं स्थानीय दाजु किजापुं नपां तः कः हे छलफल याडः भीगु थःगु हे पहलय् सुर्की-चुना छ्यलःउगु फल्चा दानय् तांगु खाँ व्याकसे फल्चा नपां स्वाप दःगु संस्कृति व जीवन पद्धनिता नं स्वाकः तय्मः धायोदिल ।

उपभोक्ता समितिया नायो नपां न्हपा याय्म्हा बडाध्यक्ष विष्णु बहादुर मानन्धरं पालिफः फल्चानपां स्वापु दःगु इतिहासया खाँ काडः दिसे वयकलं जर्मन सरकारया ग्वाहाली भक्तपुर विकास परियोजनां तस्कं बमलाक उगु फल्चा दय्कः ब्यूगु, उकियाय् खाँय् अग्रजपुं मज्यू दक हः वांबलय् वास्ता मयागु, अः स्थानीय जनता हे हरवाडः दय्के तांगुलि ताई तक छु हे मज्नूकः भिंक, बल्लाकः थःगु हे पहलय् दानय्ता मेहनत याडः च्वंगु खाँ काडः दिल ।

न्हपायाय्म्हा बडाध्यक्ष नपां नेमकिपा ९ वडा समितिया न्वकु भाजु ज्ञानसागर प्रजापति जुं देगः फल्चा, ल्वहँहिति, सतः फुक्क भीगु सभ्यताया म्हसिइका खः धायोदिसे पुर्खा भीता नासोकाथं त्वः त तकगु भीगु थःगु पहलं हे दाडः ल्यंकः स्वाकः, तय्गु न्हूंगु पुस्ताया कर्तव्य खः धायो दिसे सामुदायिक ज्याखय् समाजया योगदान व थःगु धाय्यु भावना दैगु खाँ व्याकसे ख्वपय उपभोक्ता समितिं यागु फुक्क ज्या च्वः जःगु खः धायो दिल ।

नगरपालिकाया निमित्त प्रमुख प्रशासकीय अधिकृत राम गोविन्द (सम्पदा शाखा प्रमुख) श्रेष्ठ जुं पालिफः फल्चाया विशेषता व इतिहासय थुगु फल्चाया सांस्कृतिक महत्वया खाँ कुल दिल ।

ज्या इवः सं उपभोक्ता समितिया छ्याङ्जे अष्टलाल मानन्धर व तुलिसिकाजी मानन्धरं नं न्वचु तयो द्यूगु खः ।

ज्या इवः क्वचाल

‘सन्तुलित भोजन थौं या आवश्यकता’ धायोदिसे जिवय्ता मनिंगु मनसिं जिवय्ता निंगु अन्न जकनय्मःगु खाँव्याकसे ख्वप नगरपालिकां जनताया स्वास्थ्य सेवा अःपुक्य्या लागिं ख्वप अस्पताल चाय्कः च्वडागु, अस्पतालय् ज्या सानिपुं सकलसिनं सेवा भावं ज्या याय्मः धायो दिल । ज्या इवः सं ख्वप अस्पतालया निमित्त मेडिकल डाइरेक्टर डा. मजेश प्रताप मल्लं बाल बालिकापिन्ता मःगु पोषणय् याइगु लगानीं अमिता लिपा थ्यंक भिं जुइगुलि थूकिया महत्वया खाँ थुइके मः धायो दिल ।

ज्या इवः सं कार्यक्रमया प्रशिक्षक गंगा प्रसाद पौडेल, डा. विजय ज्याख्वः, नर्स रबिना कवां नं तालिमय् थः गु अनुभव काडः दिल । नपां ख्वप वहुप्राविधिक अध्ययन संस्थानया प्राचार्य डा. रत्न सुन्दर लासिवां तालिमया तातुना व महत्वया खाँ काडः दिल ।

प्रमुख प्रजापति जु याता पूर्व शिक्षा मन्त्री पौडेल नपा लः काल
(२०८० जेठ ५ गते)



इलामया रोड़ गा.पा.या अध्यक्ष स्याङ्गो ख्वप नगरपालिकाय्

(२०८० जेठ ७ गते)



जनज्योति पुस्तकालयसं ई-लाइब्रेरी नं चाय्कल
(२०८० जेठ ६ गते)



ख्वप नगरपालिकाय सर्ववा जुयो मःम्हा प्रमुख प्रशासकीय
अधिकृत शर्मा जु याता लसकुस (२०८० जेठ ८ गते)

